

萬一樓集



萬一樓集卷七千金回草

雜詩詩體不再及餘詩一編

國朝白
籍諸暨
驛閣體
本著

藏書

著

0 88912

起著朝衣喜見星連宵雨雪遇新晴風來已覺寒無力酒熟
因憐春有情空蘭陛隨班鳴佩罷 松關披霧振裘行太平
盛典禮 留都舊慚謝迂疎跡似萍

古寺人日次翁東白參府韻

詞賦全憑酒作媒壯年心事暮年友閉中野寺經窻竹夢裏
山莊牧徑梅客況漸隨官况淡鬢華曾逐歲華迴新晴此日

萬一樓集 卷七

人同得更以新詩馨一鼻

清涼臺偕盛體齋李斗野同登

古寺荒臺四望通淡烟斜日一尊同江流繞郭來春色山勢
盤空擁 帝宮樹渺淮陽循海碧雲連楚越入郊濃登臨無
限興亡恨目送孤鴻趁晚風

苦藥

癯疥豈非疾不為心腹害治之良多方難圖一時快偶逢倉
扁儔自詫劑不再冥然付一試壯夫楚蜂蠆亦知古良藥眼
眩功所在前功未可期何苦自窘隘微體有所遺毫髮敢不
愛愛之失其術千金同草芥事有大於此題詩轉興慨

東隲別業爲李斗野尊翁平厓貢士題

水澗山圍野色明，綠陰深處啓軒亭。
春雲柳徑新油履，夜月藜牀舊註經。
稅足計餘償酒債，花開得閒覓詩朋。
匡時有子堪高蹈，其奈公車更有聲。

次韻贈翁都參

抱玉東歸不可畱，空憐意氣十年投。
馬嘶芳草路，蓬側雲暗遙天雨。
未收才似賈，晁曾汨沒世當堯。
舜且歌謳溪流盡處，江潮上煩爲先盟，泌浦鷗。

贈蔡鴻漸上舍

屈指同遊二十年，重來雙鬢總蕭然。
日斜酒散雞鳴寺，雨過

萬一樓集

卷七

二

琴清虎跑泉好事，自憐存舊傳。
駐顏誰問得真詮，風塵潦倒終何濟，只合湖頭買釣船。

署中看花有懷

淺白嬌紅嫩綠叢，含曦浥露漾東風。
草承奇豔盈欄上，蜂帶餘春入幕濃。
三月正逢花信好，一杯不得故人同。
簾開吏散沉沉坐，別院鶯聲過短松。

題竹軒圖

修竹映茅茨，清陰歷四時。
不知何所似，能繫後人思。

題時慎齋圖

碧水臨門闢蒼林，繞屋平小齋。
無一事終日，意惺惺。

偶虧人共見光彩未全移度轉依然滿乾坤萬古宜

贈陸五臺太常北上

落落襟懷會一樽

相知不傾蓋相會不啣卮耿耿兩忘年許可不在詞相逢忽
相別贈處肯以私 聖主崇令德輔相周與伊熙熙四海內

駸駸入黃義秩宗登舊彥豈徒欽祝釐民和神永錫 撫盈

藉諷咨致 主信多術問將焉所資濟濟英俊傳何道終師

師慚愚負短志寡術成猖披年來始自悔癡垢難遽移猶然

承 大惠彈冠側畱畿登龍眼多璧賦鵬髯有絲解嘲謝揚

雄博譽非瑣斯晨鐘憶長樂春酒思茅茨便將理歸楫樵牧

萬一樓集

卷七

三

稽山崖雲泥從此隔合并前無期故人如有問爲道顏頗肥

默坐

學仕蹉跎兩陸沉風塵贏得二毛侵一生不解隨人語萬死

難移報 國心拭土競誇歐冶劍倚欄獨抱伯牙琴春光纔

轉又深夏默坐虛窻斂素襟

偶成

白髮雙親定倚闔人來翻謂莫焚魚低頭欠愧啣雞肋掉臂

猶堪料虎須紫竹濃莊三徑菊綠楊官舍一牀書窮愁自是

虞鄉福詹尹何煩更卜居

職方司中次喬受齋韻四首

官閒堪習靜况與懶相投覆鹿蕉成夢稚牛刃漫游藥欄庭
日上苔砌柏陰繆吏散扇門臥無勞說四休

其二

有志誰俱售無營自足歡迂途爲客慣直道顧身難拔劍聽
雞舞停琴拊髀歎平生狂腐態消索不宜看

其三

天地原無礙逍遙豈擇鄉世情歸白髮吾道合滄浪燕嶠晨
光麗秦淮王氣長周行俱俊傑驥尾笑蠅忙

其四

策馬曾萬里十年重此遊迂名童穉識嘉惠由聖明畱酒

萬一樓集

卷七

四

挾親知罄詩憑漫興酬食芹存舊念欲獻悵無由

梁蜘蛛

客有歌梁蜘蛛賦者余建其詞作小曲以和之梁上蜘蛛

檐前網柔絲吐腹中似是蠶之黨方經圓緯不待繅隨結旋
成何俟倣標張一一地位高牢絳蚊蠅任昏爽梁上蜘蛛前
網大未除小盈榜可惜蚊蠅浪自投入網誰還脫塵埃

七夕詠牛女次顧衡宇曹長韻

曠歲期嫌遠千秋事不湮金風龍駕動銀漢鵲橋填暑退宵
增麗綠疎意更親霞開瓊帳色雲斂絳樓塵七寶重裝就孤
槎自問津桃源春始薄碧海怨方新後會無煩訂幽懷詎未

申多情還乞巧肯與困窮人

長干寺和顧衡宇作二首

寶刹當年麗宏規 聖祖開徑深忘闍井塔聳偪瑤台海鶴
巢連棟夷僧膝長苔不嫌詩酒容休沐許常來

其二

長廊聯百院下馬幾徘徊古里畱華表高臺送夕暉殿基蒼
蘚合庭樹碧蘿垂不是全無感塵心日已灰

和衡宇七夕飲徐公子東園作

是日雨

客思入秋清名園看雨行暑沉湘簟色涼動井梧聲撫劍頭
先白挑燈眼對青寧知牛女意且索酒杯傾

萬一樓集

卷七

五

次顧衡宇新治北窻韻

探元理北窻草萊手自屏花木不改儲居然成小景蟬綏湛
露華鳳尾疎簾影風清几席幽月映琴書冷隱約比禪房虛
明對仙嶺談詩偶然來燕雲堪引領

懷九江李景渠使君用衡宇懷馬司理韻

秋水潯陽闊風流憶使君登樓時盡興作賦舊多聞郭聳匡
雲接天遙楚澤分錦波將別緒千里尚氤氳

部庭紫薇花盛開呈同寅諸丈

一朶遙疑楓葉秋垂垂漸覺紫雲浮禁闈絳旆絨攢幄仙島
瓊宮繡作毳亭亭兩樹盈階階麗鮮豔尤驚雨新霽桂花未發

槐花飛獨領西風拂塵賦去年曾擬籠朱綃客情慷慨花情
嬌今年花發還如舊客心徒壯顏先凋看花幾人常作主慙
勲問花花不語日高堂靜錦袍聯彩筆如椽正多侶

新集七夕雨次龔毅所韻

秋風催倦客好雨入良宵綠轉空階草塵清古市橋石牀消
暑氣江艇趁新潮知己非天女停杯未許邀

新集新霽太平堤延眺次龔毅所韻

湖堤控城岡野色無陰霽宿雨喜初收秋風轉增媚鮮華湛
樓頭薄霧捲天際塵清北郭謳波淨西施醉掩映闌闌新縹
渺浮圖麗鍾陵彩日瞰策府元洲遼水長小圩平山明遠

萬一樓集

卷七

六

峯翠松柏挺披氛鷗鳧浴成隊仙郎本殊才瀟灑更多致公
餘信馬蹄縱目如有契忽漫詩滿囊詎識身爲吏慚余非鮑
謝幸共義黃世封侯志已隳肯作求田計願執芳晨鞭浩歌
永無既

丁民部母酉太宜人孀瞽重明

母有目胡爲瞽深山泣杜鵑毒霧猛於虎羈魂萬里峽江遙
世事悠悠何足覩母已瞽胡爲明金鍼纔寸指功與造化爭
披撥嚴雲見鮮月一夢十載疑初醒醫有神不起父天有知
不佑母父死勤母瞽楚子爲大夫心更苦出勞民入奉母母
聞兒之聲不見兒之形錦衣肉食能爲情朝迎醫兮暮問藥

精神到處移祥星孤標隱照霜雪雙瞳炯炯宜岡陵我家
越嶠楓橋里華表常瞻夕陽裏當年孝子原姓丁母日重開
緣自舐道同世隔事總奇由今觀昔夫何疑相逢有酒兼有
詩一觴一詠且悲且喜劇談細說思依依褒忠獎孝兩不遺
更看鶯彩雲霄飛

其二

代作 奇于不奇人當爭波木質戰禍何忍言日

蜀道阻楚目瞽秦關平楚目明瞽在母痛在子死已吞聲生
忍此人果定天可移金鍼有神不在醫以夫瞽以子明瞽不
足怪明復驚呼兒見兒形呼婦見婦色不見藁砧還惻惻子
謂母母自苦我心更切事由古母目開父目瞑生寧死順天
道平十年長夜一日且肯對雲鸞泣霜鴈鴈霜前鸞雲邊華
堂映掩時開筵筵歌百福歡未足還向詞林度新曲

其三 代作

髮白難返黑齒落無再生誰謂丁蘭母目瞽能復明相逢盡
說瞽有神醫神在子不在人當年刻木曾解語何況有目還
其真君不見秦川赤社漢三輔白叟黃童思召父不緣真愛
溢庭幃安得人懷天亦助

其四

代作 嗣車盛布出令

已分成長夜尋瞻日月光霜幃鴻影暗雲錦鳳書煌下榻新
辭相登樓復問桑城崩哀重杞鯉出孝稱姜春酒筵前綠秋

萬一樓集

卷七

七

容鏡裏芳詩題需太史不爲晚年康

其五 代作

白頭扶腋身常健不謂通靈更有丹蜀道永疑湮赤日秦關
終使見青山鳳簫臺榭淹淹雨烏樹庭階熒熒蘭冶行漢家
先節孝芳標遙映 五雲間

喜容鴈詠 有序

客有饋予雙鴈者惜摧其羽養久慰之羽長放之既
而憶之見排空而過者疑卽所放也從而認之各爲

軒池久爾羈母作犧雞慮秋風落羽齊終遣排空去

右慰鴈

萬一樓集

卷七

八

縱爾任天邊橫秋飽烟霧故人如有書樓頭不妨度 右放鴈

千江雲水闊何處稻梁肥顧爾搏風翮終從上苑飛 右憶鴈

雲外嘹唳過遙看暗自疑不緣曾受單何事解高飛 右認鴈

盆魚

喜客頻翻藻驚花亂繞蒲盆池足容與寧識有江湖

荳棚

種荳傍墻陰花開滿棚麗忽憶故園秋籬邊雨初霽

秋海棠

枝柔低繞砌花小淨開眸垂絲兼鐵梗嬌豔可宜秋

玉簪花

琳琅誰琢成冰壺瑩難襯烏雲月一痕遐想佳人髻

斫薔薇屏

剗卻薔薇樹窻虛曉增色春風不見花秋霜免荆棘

山修壯丹架

愛花因惜架傍晚曉拂霜枝寧如蜂與蝶但聚正開時

與日贈壽澄江茂才註選還鄉

壽乃尊舊由應天發解

粟赤菱青晚稻黃扁舟歸去水雲鄉嚴君舊路生知否來歲

天葩發更香

送吳心葵上舍給假之揚州詢令兄起居時徐南葵輔

蔡西春行不才舊叨轉官揚州未及履任因愴然云

萬一樓集

卷七

九

紫陌春風遍清江秋舸催姜肱被何處徐孺榻還隨簫落津
橋月詩題官閣梅無綠騎鶴上送爾一徘徊

送徐南葵解元復遊維揚

江山隨處好道在豈憂貧杜宇芳林外芙蓉小澗濱傳經忘

歲月說劍起風雲更逐扁舟去綈袍一度新

宋正字狀元自江右至金陵復將往廣陵賦贈

山海茫無限攜琴遠問津漁村趨夕照禪榻臥秋雲世路貧

中側交情淡處眞莫輕莘野未曾動騁車輪

挽謝景韓主政

紫薇花發見新題花未凋零客夢迷兩地棠陰淹驥足三旬

畫省悵鴻泥斜陽秋水歸舟寂寒雨昏原蔓草萋吳會征徭
今尚急誰還能問杞梁妻

禹宮詞十八首

永巷高垣雲日饒老梧疎柳拂長條茨堦固見神堯聖王
氣依然燭九霄

其二

鬱蔥佳氣玉階浮高廟神靈每出遊進膳中官呼啓鑰曉

星正上五雲樓

其三

便殿有太祖聖像

黃幄丹蘇便殿中光騰五彩總成龍等閒不許人窺伺於赫

萬一樓集 卷七

十

千靈護聖容

其四

彩壁曾標學士書表章經傳宋真儒治平根本當年事猶有

龍光透石渠

其五

是年命大臣盛九庫

夏鼎商刀萬帑新曙霞晴日映祥雲雅知至寶非方物展閱
猶勤勅重臣

其六

是年修門殿等處

萬姓騰歡盡子來洛陽闕殿曙光開回天只說張公力禹儉

原難一律裁

其七

百尺高樓見大江，龍盤虎踞共蒼茫。華夷一統無南北，天塹波濤永不揚。

其八

大善閣

崇臺闕殿絕纖埃，黼座琅函睿鑒開。內聖外王真大善，齋心不是禮如來。

其九

大善閣中有歷日一冊

寶歷明開永樂年，龍綃鳳積色猶鮮。監宮指點硃書字，此意

逢人未易言

其十

繫御馬楮

萬一樓集

卷七

七

亭亭雙柱露華寒，八駿當年倚玉鞍。鐘鼓不聞傳五鳳，碧雲芳草靜宜看。

其十一

複道

燕山旗鼓滿江頭，日落風高烈焰浮。萬里荆蠻緣複道，茫茫

秋草不堪求

其十二

東宮

縹緲燕雲萬里黃，廿年監國日重光。東宮正對西宮麗

綺樹遙連

大本堂

其十三

太孫宮

立適推賢總守文，春秋疑信古今存。革除萬事隨烟烙，惟有

遺宮尚太孫

其十四

瓊苑玫瑰輦路遙銀屏金鎖舊籠綃徒畱芳樹凌雲漢蔓草
斜陽共寂寥

其十五

暖風和日上雕闌咫尺猶疑覲玉顏綺席罷張瑤瑟斂清
嚴終是異人間

其十六

女戰場

繡閣停鍼出武場蹈堪水火氣逾揚至今芳草森成列不帶
脂雲帶劍霜

萬一樓集

卷七

三

其十七

莊臺雲散雨收初牛女星沉曉月孤千載無人望
巡幸莫將詞賦擬東都

其十八

九重曾遣外人知說向猶多夢裏詞遐想燕宮應更麗日華
雲影萬山遲

靈谷寺偕顧衡宇李斗野同遊二首

青山不厭白頭郎問菊憑攜竹葉芳千尺石街連鹿徑萬株
松樹護經房雲霞掩映俱成彩臺殿崔嵬半就荒老衲未諳
遊子意只憐雙屐十年霜

鑣聯塵接總仙郎躡嶠穿林綵佩芳
大士像瞻梁寶志雄題
筆落漢君房連雲絕巘秋風遠滿
臨青蕪臘日荒勝地有緣
須盡興莫嫌袍袖染清霜

朱武原告歸賦贈

白

小廨淹深陌多君數問奇
翦蔬簾外月蠟屐雨中泥海獵防
秋稔林疎映夕曛束書歸宰社江
樹野雲低

白九日偕李斗野樓霞寺登眺二十四韻

蕭寺翠微中

清秋杖履同築苗深谷老泉
懸踏梁通小嶺羅
千佛羣巖應一鐘嶺迴雲磴側
巖峻月臺冲俯澗綠幽徑斜

萬一樓集

卷七

五

橋讓古松遙遙多別院一一騰
芳叢竹隔光如洗茅檐致亦
工石階新砌瑩珠井蒼苔封淨
榻關關偈偈圓滄露容上乘
僧自契塵慮我偏融絕頂亭尤
蕪摺衣興更濃漸攀渾忘險
直上始知崇六代豪華逝三吳
勝槩雄大江收楚蜀王氣靄
小陵宮歲稔千疇敷時康萬壘
空越雲飛欲盡燕日照來重
漢假聞茲節周郊尚幾崑百年
懷劍意五斗折腰鍾萸菊隨
流俗著龜問適從酬恩忠障海
弔古氣凌嵩偃柏霜中綠寒
葉雨後紅君才方獨步吾道未
全窮且莫嫌疎放啣杯趁晚

風

喜晴呈衡宇斗野二寅丈

曙色催遊騎，階除雀亦歡。放衙頻日約，行楫隔宵攢。雨過山增麗，烟開竹更欒。禪僧遙下榻，宿抱一時寬。

登大報恩寺浮圖

幾年翹首望，不謂履崇巔。九彩金英燦，層闌寶砌鮮。江山環帶礪，城闕俯雲烟。雄眺懷今古，停杯一愴然。

牛首豈蓬萊，佳期久未諧。山靈憎俗客，天意老莓苔。景數霜黃菊，諸宜雪滿崖。但留雙屐在，雲霧有時開。

次韻答盛仲文

野寺松林石澗隈，同搔短髻坐蒼苔。兩都有賦君徒壯，萬里

萬一樓集

卷七

四

投荒我復來，芳草淒烟鷓鴣水。斷雲斜日鳳凰臺，高才由古成何濟。尊酒惟宜匣劍陪。

黃昏夜艇

小舟搖曳月華明，遙指前期一夜程。擁被不知霜露重，推篷惟見水烟橫。沙汀鴈起江湖上，野店雞號客語驚。興洽舟回仍待月，剡溪乘雪讓斯行。

黃昏夜艇

登大報恩寺浮圖

登大報恩寺浮圖

樓之集卷七

萬一樓集卷八

終

諸暨駱問禮子本著風
雜詩

遊牛頭山諸寺墨遊栖霞韻

牛頭山諸寺佳麗冠於諸山顧蹉跎二三年不得一

到因與同舍李斗野遊栖霞爲約趁此秋色務在盡

興而遲回者復月餘及到同遊者何鐵樓史禹門曹

嗣山汪登源諸公而斗野竟以他事羈因曠勝遊之

不可必如此也爲疊前韻

禪關一望中名勝異還同地迴雲霄接林邊薛徑通杪秋遊

萬一樓集

卷八

一

子騎侵曉報齋鐘塔影穿窻倒泉聲落澗冲巖高低掛月洞

古曲盤松露浥穹碑辭霜黃綠樹市塵欣去遠壁句玩來

工構結多精舍清嚴亦素封危巖身可捨小座膝纔容地總

升吳會僧惟說懶融巢雲孤榻靜照雪百花濃飲馬池猶在

藏經閣更崇漫尋疑入幻迴眺轉增雄鷓鴣檐前日蓬萊海

上宮星槎懸絕壁鳥道出層空野曠臨千仞山圍俯萬重憑

闌閒理偈振履健凌峯落魄三朝髻離披萬里蹤烟霞誰最

癖冠蓋我叨從劍起衝宵漢杯寬失岱嵩翻瀾頭任白代跂

指多紅休沐堂官假幽佳次第窮暮嵐天際發一嘯且當風

思家愁緒結每假出郊清親老猶爲客官閒得訪僧看雲頻
上塔待月靜聽經拖被還明日藤牀借竹廳

春吟偶得菊數本轉致陳雨峯京兆以詩來謝次韻答之

雅知京兆徑秋到滿籬金雨豔披蘭晚霜香襲竹林白衣時
送酒青眼共開襟更益爲長物聊輸歲暮心

次莫山人韻

僧院逢高士鷗裘斗閣間清歌裁白雪古道照蒼顏市色昏
烟合泉聲竹澗潺渾忘驅馬去便欲共歸山

送史使君赴廉州二首

一麾衝凍雨萬里入炎州海曲檳榔市山坳鼓角樓珠淵巒

萬一樓集 卷八

二

月淨銅柱漢雲流孟守祠還在停車露冕求

其二

幾度同搔髻思隨計吏秋文翁今入蜀柱史尚淹周到海千

山驛依城半席樓相逢如有日寧惜典吳鉤

借雜文選過鄭考功草堂次韻時考功在制

並轡來尋月漸高不緣詞賦邁劉曹擅場驥足風潛逐出匣

龍泉用暫韜翠竹籬邊芳杞菊長松障下淨萊蒿百年四海

存知已小關良宵若似醪

次莫山人韻

小閣檀烟碧虛窻雲樹蒼老兵閒緩帶仙侶共傳觴漁父滄

江外佳人錦瑟傍千年誰得失爛醉是周行

命贈張庫部歸養

陳情辭漢署命錦作萊衣道正為時用忠尤藉孝移榆窻晴

日映烏樹彩雲飛清暇多新句應先賦兩畿

蘇指秋夜懷華豫庵顧衡宇二丈寓部次衡宇韻

深暑鎖重門正值嚴冬節風急雨初晴月華霜欲結虎賁萬

狀齊龍劍雙座列鐵筆飛有神藻鑑虛自哲玉漏清且頻金

炬高未滅展卷撥寒爐空衡念孤拙

指贈養生詞和顧衡宇作

人生天地間今古誰百年奈何不自惜高眺臨深淵臨淵尚

萬一樓集

卷八

知懼餌鳩反為便形容日枯槁服藥希神仙神仙豈無藥百
計惟自全不知夷與齊壽考逾彭篋曾參啓手足孟軻完浩
然養生有真訣千載誰能傳

夜夢

夜夢不祥晨起卜高簇爐香擲三木釋卦占繇更不祥呼童
竊計辭官祿童言來時家大人叮嚀謂勿詢歸津二老頗健
婦能養孫近喜俱完親大者讀書向僧寺小者差能代吾
事田園松菊儘堪娛得汝為官百無愧為官何必問崇卑一
命有濟猶龍夔百歲無常能自保萬事已定非人為我開俛
首三嘆息身世真如夢中奔推移變幻何足憑有肯豈能逃

且易古來人定能勝天
熒惑退度由一言伯夷
顏淵詎不死
賈誼賦鵬徒爲然
霜窻月榻燈炯炯
老作書生忘夜永
不將迂拙滯
公移得酒且歌形
對影
癸田
零落丹心向夕陽
秋風徒自露
濃濃靈根有力
先春發喜見
霜臺綠葉長

疎槐密柳盡飄黃
短梗芄芄上畫墻
只說丹心終向日
寧知綠葉早陵霜

萬一樓集

卷八

四

爐紅酒煖銀燈爛
笑語生光滿
堂豔更嚴漏永
鼓角明借此
催花興
彌瞻相看意氣傾
雷陳鳴瑞結綬俱
青春嗟余潦倒
髮半白亦開幽
抱揚芳塵異鄉
嘉會如此幾轉
眼升沉各千里
縱然到處足雲山
何似一尊同倚
徒牀頭有劍囊
有編懸河有口猶自
憐參橫斗轉月未
落謾舞高歌爛
醉眠

琴瑟庫部席上聽琴

昨宵良晤嫌漏促
今日華堂重翦燭
何處攜來美少年
手按枯桐奏新曲
春風滿庭秋月明
融融曉日紗窻晴
忽然雷雨灑林薄
須臾幽徑晨霜清
山泉一脈穿苔石
怒浪橫奔轉千尺
幾聲哀鴈過樓頭
依舊龍翻鳳舒翼
坐中辭客多知音
起

來遞鼓陽春音宮商諧協徵角燦感今慨古尤宏深從來調
絕人寡和何意牙期滿堂座不惟嘉風溢清襟落魄窮愁亦
爲破愁破還須酒作朋更斟玉壘促銀瓶一杯一曲忘爾我
不覺寒漏仍三更韶華轉眼三更美富貴功名霧中電新人
爭似舊人知今日終輪昨日健請君有曲須再彈不彈別鶴
彈幽蘭太平盛世官曹靖畱省風流異等閒

小窻

酬恩慕古百年心不道風塵老便侵礪齒尚餘山澗石染鬢
空費藥囊金殘碑夜月畱松館瘦馬晨霜過竹林強自稜層
誰物色小窻寒雨晝陰陰

萬一樓集

卷八

五

遂閒堂爲陳雨峯京兆賦

拂袖歸來慰夙心短楹卜築小園深窻開萬卷藏孤劍門掩
芳尊對素琴花徑鳥啼春獨早竹林霜暖晝多陰悠然終日
猶嫌冗爲有隣翁覓醉吟

龔憲部移居有作次韻

避喧類徙屨深巷結幽居軒敞堪邀月齋清足著書苔痕迎
客履竹蔭過鄰廬似我山中宅惟多有食魚

翁參軍山中以詩見寄次答

玉劍光韜菊徑荒高臺南望色蒼茫十年舊事燕雲冷千里
新題越徼香宦况獨便畱務簡交情終傍故鄉長清修不減

尚書韻混跡漁樵未是狂

憂國徒懷陸賈儒無緣執策帝王州
小齋拋卷鋤葵徑短艇垂綸
溯夕流桃蕊肯言松耐歲
荳其猶喜麥宜秋獨醒莫笑
沉酣客已把琴書暗自收

從諸省文集萬竹園次顧武選韻

殘歲思鄉客名園載酒情
衣冠四海集肝膽一時傾
萬竹瓊臺繞孤梅石徑清
夜堂畱醉句試按總金聲

借諸省文集王少卿樓上看春

綺閣笙簧集眾仙
玉銜裘馬競新妍
青春轉眼歸殘歲
白髮

萬一樓集

卷八

六

逢場學少年京國日標
雙闕聳故鄉雲樹萬山聯
東風一樣乾坤裏披拂離腸傍酒邊

朝天宮習儀

四海趨踰重履端
畱京仙觀集千官
露華湛湛庭堦潤
燭影輝輝曙色寒
束帶十年懸墨綬
舉頭萬里見金鑿
禮成忽憶漁樵處
雪霽松清竹更癡

除夕

石盃烟細燭光寒
僮僕圍爐坐一團
歲逝向誰誇劍在
更長還自覓書看
崔嵬城闕風雲遠
寂寞江山日月寬
骨肉此時茅屋下
應憐蕩子尚彈冠

元旦
曙色蒼茫日漸華東風昨夜到梅花
斑駁鵝隄清織露瑞護
龍樓散彩霞我守舊聞徒忤俗誰逢新歲不思家
瓜期屈指春當半已辦青錢覓便爇

雪
竹
墻陰殘雪

元突古墻跟橫斜雪一痕影高堪避日寒重尚封素清曉霜
添色黃昏月共紛呼童不須掃甕澗老梅根

人偕諸寮長送客因遊清涼寺時正月十三日也

送別歌涓城登臨憩蕭寺曲徑敞幽襟高臺雄遠視長江天

際來巨阜宮陰峙萬井春日融六朝暮雲遲赤膽誓從龍青

萬一樓集 卷八

眸欣結駟弔古振長風感時揚短翅鷗攜憶去年局變成幻
事聚散本無期枯榮豈緣智對景徒自羈臨岐欲誰刺東風
纔入城御溝已流澌節物不暫需年華可常恃意外博三公
眼前孰一解造物笑人忙月旦評誰是四海方太平百年任
安肆得與傑士遊總出與天王賜叢梅隔隴香疎竹閉僧時
折竹荷梅枝飄飄過燈市

燈假登城南諸山

小軒開竹叢高亭當木末竹糲軒窻幽木密亭陰闕題詠雲
霞紛結構鬼神奪次第岸冠過道遙抱琴撥停琴還正冠更
上高臺看雨花事已幻蔓草春猶寒蒼茫四山迴掩映萬井

攢江流清繡霧宮闕鬱龍盤古來形勝空本爲眞豪設景
運日向中鼎柱歸英哲今晨果何晨得此同眺閱歲華甫更
新休沐欣令節滿城簫鼓喧共樂王道平白首千里客把筆
能草元攬鏡不成字跨鶴徒畱詮逢場但醉笑今古誰愚賢
吳夫長安柳色次顧武選韻

志感 有片

萬一樓集

卷八

八

志指揮虞鉞以父而暴殺其子軍妻吳氏以婦而圖絕
華蓋其夫雖其子之不肖不爲大義滅親卽其夫之無良
門世異於蔡人之妻矣諸曹方以災異修省愚謂人道之
華論變災害之大者感而有作

父有子父殺之子罪不赦父何私我不忍聞涕將漚况乎妻
與夫齊夫生與生夫死與死他何知中道窘迫求別離嗚呼
噫嘻義可滅親鸞不偶雜事有固然今此何時嗚呼噫嘻今
此何時

振武營餞故寮謝葵峯乃兄

繫馬憑軒簇小筵卮杯說劍更談元籠雲淡日孤營外晞雨

和風萬柳前箭落飛禽獵虎士路迷宿草鶴鴿原相看無限
升沉恨醉後都忘默上船

會舉卽事

日麗風清柳未勻蜂攢繡鞞彩毫新穿楊勁氣凌雲漢倚馬
雄籌奪鬼神燕領定誰飛食肉鳶肩愧我老讎文
中興麟閣嘗圖畫且盡筵前酒一尊

孝陵次徐布衣韻

蛇橫鹿走虎風生神武中天定漢京已乘赤磨符帝命更
刑白馬付王陵城臨朔漠關雲翊江引巴山海日迎萬古埋
金秦計拙六朝歌管詎須聽

萬一樓集

卷八

九

白髮

策馬留京復四春閑中花柳醉中身迴波未許嫌袍笏前席
猶思論鬼神曉雨元都山燕語夕陽古渡海鷗馴疎狂不覺
年華逝搔首翻疑白髮新

姚使君席上分韻得入字

瓊園雨霽風日和綺座尊清管絃急折柳同看直北雲及瓜
自負周南笈九重金闕聽鐘回萬簇烟林荷鋤入此去關
亭路未明歌聲莫怪當筵澀

馬蹄

曉霧連春雨街頭日未融桃花低傍水柳葉暗迎風地要泥

偏滑橋危露轉濃歸心并老態俱集馬蹄中

正 奔波

衝霧策羸駒空聽謝豹歌路從忙處窄事向舛中多小渚藏
鷗鷺高厓掛薜蘿烟堤春色稔消得幾奔波
者花枝
高架碧闌干扶疎鬪曉寒花枝無好惡只在隔牆看
感贈小桃
春色已過半柔條猶帶寒花開不須早只在耐人看

春堤

城遠青山湖遠城迎鷓鴣花柳拂袍輕饒君剩有林泉樂爭似

萬一樓集

卷八

十

春堤雨乍晴

詠署中牡丹別斗野鳳樓二寅丈

當年我來花正開忽忙風雨飄滿臺去年花開顏色換徙席
憑欄歎無伴春到今年客會奇我先花發將天涯人言此花
非上品老眼摩看趣無盡明年花發我縱來飛金唾玉知誰
借花期人事俱難定白髮清尊苦相映聞道催花別有神乾
坤妙用曾由人看花不在顏色豔蓓蕾疊疊露華染相思去
後總徒然把醞敢辭非酒仙慙慙暗向東風祝花開常對人
如玉

如玉

舟中曉色

垂楊日上亂鳴禽半啓窻榻睡尚沉乍出都門舟未發晨光
已似故山深

雜舟

南歸落魄北蹉跎短劍殘編郭外舸苑近離亭花折盡堤連
喬木鳥鳴多朝暉起待江潮上暮雨來當海市過不必臨岐
嘆遲滯平生道路半逢訛

解纜

客夢頻年泌浦東臨岐翻自滯行踪稀紅暗綠詩家社細雨
斜陽梵宇鐘燕子磯頭春水漲鳳皇臺上暮雲空總輸修竹
山窻待鼓棹南歸趁好風

萬一樓集

卷八

十一

江行

長江望無際寂寂放舟行孤日當空照千山夾岸迎浪平忘
壑險帆正愜風清試抱焦桐鼓泠泠倍有情

毗陵逢周別駕

酒幔河橋柳鴻儀驛塞雲周身孤劍在轉眼二毛新宦薄無
行色遊閒愧主人浮名從誤我何事亦兼君

過鄭亞府故宅

停舟思往日歌舞不嫌奢舊宅隣人指頽垣蔓草遮鴉飛原
樹遠雨過市橋斜辛苦徒爲爾何妨典莫邪

漫成

歸惡由來過勝遊乘閒况鼓木蘭舟今宵骨肉山中夢肯薄
蘇秦尚未侯舍英只隨曾來不問洛華飲新獸歸殊

蘭亭觀太學賦

蘭亭當孔道束髮漫經過屈指亭上坐白首慚無多今日果
何日摳衣更捫蘿捫蘿入荒寺罷飯循崇阿山僧爲我指新
構今如此好事荷名公選勝尋舊趾憶昔沈使君徵詞文太
史翰墨冠一時傑麗奚足齒轉眼荆棘中牛羊對斜春何況
永和事誰真揖長風曲溝雕檻下脩竹芳林叢賞適惟所遇
今昔理則同君看亭前靄朝華暮還彩人物有代謝山川終
不改新亭泣楚囚桃源避秦亥當此太平時寧惜尊如海

萬一樓集

卷八

三

不芳夏日喜裘山人見訪

矮屋苦炎蒸微薰雨乍晴茶烟當牖細槐蔭匝檐清五十須
宜白三朝服尚青故人勞遠訊脫粟話平生

滁陽道中

近違官署遠辭家村店屯莊隴日斜借馬隔程詢地主看雲
到處指天涯鍾山氣紫長江映碣石風清魏闕華隨例趨朝
卽亭恩澤爭慚麋鹿臥烟霞

大柳驛次壁韻

荒屯古驛桂含英只記曾來不記名亭角淡烟詩板剝樓頭

斜月酒帘明

夜過磨盤山

雲烟籠月色燈火動秋聲獨樹三家店層岡百折程巖敲茅徑斷澗溢荳畦平隱隱行人語山城報五更

東瀛海道中里一險幾死二十春滄海更滌時
夾道垂楊綠蔭長村村棗熟水梨香初晴馬步尋沙磧剩暑蟬聲出堡墻古驛小堂新賈肆野航深浦故農疆相逢且莫驚雙髻世事紛紛未可量

白溝道中

白溝河北長安路十載重遊總非故水汪泥淤不可行競取傍蹊穿古墓墓地苗畦曲屈通回着大道半剗中我來不作

萬一樓集

卷八

三

楊朱泣坐待泥乾日正紅

白溝新城道中口號

按轡沿村問誰家酒最賢尚堪沽一醉剩有雇夫錢

其二

苦道梅無色南枝已盛開春風同庾嶺誰遣後先來
及郊漫成
兩京驚立四千里一劍蓬飛二十春磨礪更將朝
魏闕抽

看猶覺斗文新

其二

傑閣重城麗九霄輪蹄轉集紫塵飄明朝拜舞鵷班後側聽

堯階奏舜韶

其三

金紫鮮新玉勒驕滿城得意舊同袍顏頰瘦馬慚相遇單眼
先逢二尺綃我昔共聞吳王許和童出雙衣舉試共燻
中其四有菜嘗言紫禁深嚴絳闕高例趨不是白麻招題詩莫入元都觀秋色
方濃不重桃時與吳王許和童出雙衣舉試共燻

見朝

香霧輕籠五鳳樓月華高傍九天流鶴行濟濟聽瓊漏虎旅
桓桓接御溝燈火前呵元輔入鼓鐘宿戒內臣休瞻依莫道

萬一樓集

卷八

四

天顏遠終勝滄江倚杖謳

贈黃星野

相逢紫陌頭喜劇淚還恍時命已如此胡不歸鄉陬君言鄉
井念一日幾登樓獨憐七尺軀栖栖未能休方今 明盛際
賢俊皆公侯誰甘抱黃犢腐與草木儔種種頭上髮黯黯塵
中裘廚無太倉粟箸有前席薰焦桐出爨下園道倚畝邱世
事未可定溝壑非吾憂我聞髮上指呼童洗雙舟岸冠共歡
笑月上高城秋

萬一樓集卷八

終

萬一樓集卷九

諸暨駱問禮子本 著

蘇軾雜詩報嘗願補詩歸滿夏於贊頁無歸感首聖宣定

十難萬壽節慶賀禮成無想地河於於又言權 聖軒

紫極純休集丹庭協氣浮卿雲流象輦旭日麗龍樓螭首簾

開錦鵝班珮委球懿儀阜漢宋和樂動虞周嶽海祥千禩梯

航會九州萬春秋方鼎盛夷夏允升猷金鑑元臣錄瓊卮

聖母酬偶來逢 皇令典歸詫勝封侯 白妖 英 韻 畢 奏 天

次呂望松年文韻

兩京千里客何事獨宜人篋底長楊賦牀頭碧甕春一毫難

萬一樓集 卷九

奪命百巧不如真迢遞南遊路秋風幸御君

辭朝四首

曉風天闕暖星月燦輝輝袍笏宿自戒拜舞隨臯夔 天

威常咫尺萬里敢少違闕辭禮則然心迹各有歸途巡交戟

下恍惚遊龍瀆回 簾 繪 景 樂 天 吟 樂 傳 興 其 樂 術 不 可 言 喻

案辭其二 奏 其 詞 盛 其 言 願 矣 流 聲 聲 賦 日 遊 蓬 閣 神 首 頌

十載萬里刺犬馬無窮愚默默無吐所匆匆又言辭 聖神

建皇極百辟皆師師謀謨駕虞夏欲贊良無詞翹首望宣室

祥雲繞衆恩

乾坤一迂腐，忝竊十載餘。裨補無分毫，魚食出有車。猶然厭
疎迹，書空嘆居諸。鄧禹良笑入，揚雄亦誠迂。解嘲非我事，吏
隱名誰俱。

昔其四鳳臺上風

出朝逢故人，贈策勉且規。世運方中興，守正慎勿回。憐予髮
雖種，此志良非衰。綠楊南陌，黃菊東籬，杯至樂隨處足多。
願將何爲，中興呂望，公望。

出京口占

赫弈雙旌引八駟，整容清道隘高閭。何如匹馬懸孤劍，到處
蕭然野興餘。

萬一樓集

卷九

二

蕭然水月巷，次劉少鶴公壁韻

小刹藏荒墅，斜陽客漫過。儲齋墜下，固學說塔邊。歌鐸襯林
聲，遠窻含野色。多物特隨處，適何必嘆蹉跎。

霸州道中贈呂望松年丈

本因避地趨名郡，亦以嚴程棄小舟。好主漫逢同解劍，吳神
京漸遠一登樓。尊開黃菊三更月，旆捲垂楊萬里秋。從此南
行皆坦道，鳳皇臺上足清遊。

早發商霖

短角霜催早，孤城月映清。渡頭呼睡艇，巷曲見殘燈。征鷹乘
風遠，棲鳥觸霧驚。客情嫌絮薄，翹首日東升。

留智小憩

繫馬向何處疎楊抹淡烟野蛩斜日館霜鴈杪秋天客久勤
看劍官卑怕問年同袍知我意不語共蕭然

發德州本之恩縣欲瞻岱嶽改由平

孰奇頻改道策馬又平原秋風隨處好地主况多賢人生貴
適志何必懷故園官高責亦重服藥誰百年蕭蕭穿柳陌喜
無塵事牽千里未爲遠振履蒼雲巔

謁顏魯公祠

同槽失駕驥寒歲知松柏列郡二十四握符同肉食不有漁
陽鼓平原狀誰識鑑貌豈云殊磊磊心獨赤清祠闔闔中塵
網垂四壁束帶仰遺容秋霜凜生色

萬一樓集

卷九

三

素食

晝行怯風塵早起見星月庵人進蔬食不敢及常褻我來遊
泰山非爲福與孽齋戒亦有時殊異佛老說乃若縱口腹素
性本非屑雅淡良稱情表微聊短列

仙蹟歌

有序

舊寮張繹菴武庫揭石刻十字於堂余讀數四不能
通曉道經靳莊憇遲賢亭忽見其石於壁鄉人謂此
靳僊所留或謂呂純陽所留乃號咄歸別去急彩變

飛雲十字也感而賦之

離奇十字大如斗非篆非籀亦非蚪武庫張君何好奇高標
署壁當座右邀我摩看字不知摩娑兩眼惟呼酒長清古道
遲賢亭粉牆瞥見令人驚父老爭言僊子蹟相傳點畫皆分
明便欲題緘寄武庫字明義隱疑非經古今奇事傳來夥安
得分毫辨真果斷石殘紋且足珍况此心畫形天真鬼泣神
愁幾千載薜剝霜侵終不改敲出應令紙價高鎮此山川定
生彩亭前車馬時時過忽漫其奈神仙何揚雄古來識奇字
請續昌黎石鼓歌

其一登泰山偕坪石屠公望松岳年文賦輝輝濟魯帶齊秦
一騎出燕關千里登泰山翹首覽八極不覺回愁顏慨自乾

萬一樓集

卷九

四

坤分太乙名山大川皆有匹委蟠峻極不可攀獨數五嶽茲
其一維帝出震艮所終扶輿當此宜尤雄軸聯齊魯帶海表
勢倚日月穿雲中穿雲帶海鐵爲質鬼斧神槌仙所邑尼嶧
分靈永不磨七十二君奚足述紫迴石磴垂半空晉升翠輦
驅蒼龍遺壇古碣苔蘚合金函玉簡雲烟叢愧我昂藏徒自
負半生四海勤奔走司馬窮探只匣琴孟陽瀟灑憑杯酒此
來正值秋風清况爲長者揚前旌整冠四顧鬼物匿振履大
嘯天神驚山靈尤喜能愛客披拂織塵見真色星稀殿角秦
樹青日觀峯頭楚江碧楚江秦樹萬里通天關崔嵬見九
重便欲乘風叫閭闔憑陵來此書神功神功聖德泱九域

山下時常薦牲璧禮隆秩正式萬古侈大肯襲羸劉僻竊生
聖世幸有餘縱死敢草封禪書百年名勝甫一剽拔盡悒
鬱忘狂迂

大夫松

蒼鱗直幹挺巖阿人道曾承鳳輦過但使長條能蔽雨祖龍
一字未須多

翠嶺曬經石

石上金經鐵筆臨石邊流水自鳴琴人情但仰雲巔勝林麓
誰閑躡屩尋

兗州道中懷古

萬一樓集

卷九

五

瘦馬風塵客長亭砧杵秋雲飛開岱色日落漾黃流麥種牛
羣擾林稀果碩收兗東多古蹟都上郡南樓

王越峯對峯二使君宅夜坐

聚散本無憑何期對此檠小園霜熟柿素榻月過屏茶竈火
添數琴囊塵拂輕明晨各翹首天際見殘星

徐州歌

徐州洪上黃流漲千里長堤不能障一夜水高二丈餘水退
還留泥一丈京邑巍巍天北頭東南飛輓此咽喉 神堯憂
切應宵食大禹功高何日收

雲龍山偕呂駕部赴鄭計部萬水部召遂過戲馬臺弔

范增墓

晚照山亭麗秋風鴈翅齊柳迷尋寺徑水拍護城堤青眼無
新舊黃泉有是非倚臺看古墓岸幘忘前期

蘇晉望闕子廟詩

汝水入河流遙環闕子邱不緣辭使命誰識勝由求棟茨栖
烏陌蘆花落鴈洲肅瞻清廟近征蓋一爲收

蘇晉宿州食麥

數角比珊瑚何如赤滿湖江南稱美味不獨在尊鱸

蘇詩濠梁驛有感

濠州我太祖龍興之地去莊生不知幾千載而觀

萬一樓集 卷九

六

魚臺在焉感而有作

驛枕淮流幾度來陰晴昏晝總塵埃地聯南北中千里氣會
貞元冠九域漢帝斬蛇曾有澤莊生夢蝶亦留臺窮通千古
知誰得何必溝中惜棄材

蘇詩紅心道中

山館野雞啼曉風班馬嘶草平知地曠雲壓見天低短徑綠
橋轉頽垣倚廟敲逢人問行色津路未全迷

蘇詩偶逢

款段烏驢白布袍琴囊書匣小童挑蕭然茅徑隨僧去不顧

紅塵驛路飄

過滁州關山

鳥道石磷磷攀緣觸雨痕
北來無漫客南去有孤臣
風力欺裘薄霜華人髻
新金陵遙在望不見會稽雲

清廟滁陽謁王文成公祠

改舊作

清廟儼禪祠雲霞出沒奇
鳥蹄當午日花發向春枝
山斗追韓愈常彝望子儀
本公眞面目寧屬說良知

豐樂亭謝石東泉陳庭祝二公

故人當路尚多情攜我林亭落日晴
高樹含烟新帶赤長河繞郭舊涵清
雲依石壁過禪院鴈逐霜風起釣汀
寵辱十年同似夢遺踪何必問廬陵

萬一樓集

卷九

七

還南次盛仲交韻

世故紛如江海潮曉風西落暮還饒
燈前劍逐雞聲急塞北霜催鴈翅遙
舊業欲空官愈拙壯心猶在髻先凋
大城可隱君休諾我亦誅茅傍碧霄

仲交別業在大城山

訪張海陽京兆遇倪少江明府盛雲浦太學分韻得暮

字

淩涼國士懷迢遞江關路潮上曉驚鴻
林深午沉霧停舟漫客過說劍雄心
姪百歲共襟期相逢豈嫌暮

次韻答申莞譚山人

嶺表稽南江海遙相逢兩度不緣招
慚無白璧酬青眼羨有

丹心注紫霄親舍獨看征鴈去客窗常值好峯朝百年奇晤
乾坤幾忍上河橋悵酒標

其二

梅花初綻竹邊枝古院相尋得所師脫粟故人官日左轉蓬
遊子路多知高城鼓角冰霜夜小閣簾櫳柏葉扃 聖世良
逢懷抱慊漸離歌筑不生悲

寒夜獨酌次顧武選韻

翦燭圍爐坐旋呼酒作儔白頭千里念瘦馬廿年遊鼓角天
風遠冰霜渚鴈愁高吟何處發隔竹小堂幽

李貞陽寅丈履任後按部便道迎養贈別

萬一樓集

卷九

八

解鞍隨理劍仍挈綵衣從歲晏趨程急交新別意濃江魚浮
傍日塞鴈遠乘風山色環城麗何時載酒同

庭芝晚秀篇爲張鳳樓寅丈令叔北堂處士賦

靈椿百尺盤雲霄靈芝根下初生苗瑞景堪描復堪侈好比
張公老生子張公張公湖海豪堂中有母冰霜操早年無父
晚無嗣獨舞斑衣進芳餌於赫天道原有知肯令伯道終無
兒房櫳曉起祥光燦弧矢秋張異香散仙果生遲海島奇珠
含老蚌迎朝曦定知蛾述光貽穀會見鶯遷上喬木一身重
義本來輕萬事從今依舊足連枝玉樹尤堪誇金陵文藻稱
名家識荆許我將雛鳳春色頻看江上艎

除夕

兩子

雲滿長空雪滿城
晚風隨雨落軒庭
登樓望闕遙依郭
熱鼎圍爐緊促屏
鼓炮千家通萬國
琴樽孤館足三更
懸知吳聖主
崇元化明發
垂衣妥百靈

元日

丁丑

小園飛雪漫高枝
瘦馬停驅獨坐時
人幾百年過已半
官方久任拙偏宜
溪邊石徑梅花閣
山下茅堂柏葉卮
棋局儘闌文史靜
白頭甘旨付癡兒

石城門送馬暎臺

撫劍同驚去路遙
石頭城下理輕橈
高厓積雪臨江館
斜日

萬一樓集

卷九

九

寒烟送海潮
鱸網遠收歸
戌浦梅花新
放傍官橋
陽關唱徹
寒雲結誰共
登樓話六朝

送駕部熊少臺曹長歸光州

金陵春雨上離亭
屈指枌榆十日程
渡口膠舟潮正溢
關邊驅馬雪猶凝
寒雲入塞燕臺迴
霽彩當樓楚澤明
父老逢迎詢六代
爲言山色舊時青

送蔣憲部得告侍養

匣劍趨庭急行旌
滛露輕康莊
千里足烏鳥
百年情春水
吳門錄秋雲
飄關青須知
松竹色雪後
愈增清

送華豫菴使君赴永州次韻

長亭猶喜一樽同後夜離魂逐轉蓬
鍾阜萬年當冀北湘流千里到吳東
衡蘭燭燭連雲馥粵樹重重映日紅
君去有文姬子厚抑揄記我咽春風

槐蔭雙樓爲天長謝上舍題

古院藏深隲孤槐夾兩樓
槐高雲意遠樓敞日光浮
綠蔭鶯啼曙丹成鶚薦秋
何年容緩帶清嘯激淮流

江行

萬里蠻山引興長東風鼓棹出吳江
烟迷柳色重城渺日暝桃花兩岸芳
賈誼眼中無絳灌宗元身後有蘇黃
總輸春酒柴桑綠常對秋籬滿徑霜

萬一樓集

卷九

十

天涯

天涯花正發南去趁芳晨
鳥道雲千疊狼烽月一痕
舊遊空憚遠短髻卻嫌新
聖主崇明德何當問遠臣

攬鏡

攬鏡不成字稜層眼自青
多愁顏易改寡合道難行
春暖車前草秋高塞外鷹
揚旌撫長劍剩有少年情

訪友途中口占

繫舸覓輕舸蕭然過野橋
桑黃斜日照麥秀暖風搖
岐路關心久雲山入望高
問津如有得彼岸定非遙

喜汝誠家叔見過

懋睡軒開宴窈然懷履聲宦情同髻薄稗語雜禪清梅雨侵
堦綠茶烟拂柳青喜君多病後能使百緣輕

將赴滇徐南葵以詩見贈次韻爲別

抱藥常思學邵平驅車尋復問關城晨悵望西郊雨入夜
回看北斗星湘浦漁舟新水綠貴陽郵舍舊山青耶溪滇海
俱天末安得鴻飛寄遠聲

大雄寺干佛閣雨望

雨暗關亭遠城深梵閣幽辭家千里客換酒十年裘水際青
山渺烟邊綠樹稠有懷誰與晤搔首自悠悠

草中驛次韻

萬一樓集

卷九

十一

荒村古驛嘆耶當斜日殘雲曳短航萬事古今誰逆定百年
天地我偏忙夢魂入幻歸秦望劍氣凌空拂點蒼山海半生
踪跡徧愧無分寸上明堂

徐橋

當年曾下榻此地尚名橋漢業今何在雲山總寂寥

樟樹華光閣

每臨古渡一登樓曲檻層梯碧樹頭庾嶺雲烟蠻瘴路鄱湖
風雨利名舟車書會極千年遇琴鶴衝炎萬里遊雄眺儘堪
搔短髻夕陽孤鳥動鄉愁

醴陵道中荷池

曲隄斜塘處處蓮花紅葉綠露華鮮可憐不在王侯館曠日
迎風只自妍

其二

掩映清標六月寒道旁誰護赤欄千秋風結子顆顆實還上
侯家碧玉盤

荷塘驛次趙麟翁韻

平岡曲峽繞迴塘越騎蕭蕭入楚疆折檻舊來人少識抱琴
重過曲多傷蘭紉秋色清香遠劍拭星文紫氣長西去五谿
還六詔荆湘回首亦吾鄉

桃源洞

萬一樓集

卷九

三

憶昔山深可避秦桃花千樹四時春而今車馬紛來往不必
漁郎更問津

桃源道中

峽曲疑無路橋橫識有溪小潭秋水碧高樹午陰齊茅店沙
堤側茶菴石磴西桃源真有洞應傍彩雲低

沉陵道中

昨過馬鞍山今上新開坡登登疑升天前峯猶嵯峨迴旋曲
折斷復續側曠俯仰平綠頗叢林蔓障豺豹窟崩沙疊石龍
蛇羅古稱蜀道難鳶墮猿憂攀驅車我曾過輕陟無愁顏若
以彼方此李白應懷慚所喜奇峯并絕壑神槌鬼斧元工鑿

直者如昂俯如揖奔如放弓止如束鼎離屏簇海薦瀟玉噴
環鈎虎嘖搏其餘可驚怪比比如魚鱗應接且不暇何暇描
其真白雲吐幽洞斜陽上高岑停車漫呼酒斂衽調清琴琴
聲悠悠繞空谷可憐僕御非知音
山南歎玉泉
泉石原畱癖其如歎玉何江風秋起早山雨暮來多巖竈栖
烟霧流長掛薜蘿小亭當路側繫馬一高歌

辰陽伏波祠

古廟臨官驛瞻依一惘然椒房分漢月銅柱鎖蠻烟山迴樓
臺峻江潏蘋藻鮮當年終牖下名姓孰爲傳

萬一樓集

卷九

三

船溪驛用陳貞亭使君韻時使君已得告

問津纔離武陵船塞騎常穿萬仞巔絕壑懸厓迷霧徑孤村
小驛夕陽天五溪衣服烟塵底三伏炎蒸銅柱邊短鬢壯心
徒抱恨故人先我得真詮

種山詞

桃源道中作

山高壁峻上觸天猿愁鬼寂無平田何物老農忘辛苦荷鋤
直上懸厓巔戴星荷鋤兼裹飯及到山頭日將晏回遲又恐
遭虎狼午餉安能復歸辦揮鋤自喜無沙石昨日新燒土猶
赤險側租牛不可耕敢說年衰手無力力盡還愁下種遲天

乾土瘠苗出稀收成一畝不盈斗官司猶授輸租期

厚水詞 沅陵道中作

男子淘泉婦持斗旋旃淘不停手田高水淺嫌溝低更於
溝上重作堤重堤疊屨不辭力當午盈疇暮仍拆五日不雨
半不收今年歲事同去秋道傍征人猶諄語催取丁夫任行
李征人萬里雖可愁郵亭供帳皆新脩眼前斗水抵升乳彼
此相看誰可已征夫聞說俛首嗟蒼茫落日西山斜

羅舊驛次徐使君韻

倚席山郵靜孤村正晚霞蟬鳴墻角柳馬飲渡頭沙禱雨叢
祠鼓飄風檣樹花悄然生遠思不爲惜年華

偶成

萬一樓集

卷九

七

倦遊只說山林好許國能辭道路難昨自伏波祠下過江風
曾不異巖灘

萬一樓集卷十

諸賢駭問禮子本

雜詩

禱雨詞

沅州道中作

山前山後禾可燃大村小村急祈雨老師書符驅洞神長蛇短蛇貯盈筥南村山頭雲忽生須臾風雨來如傾兒童鼓舞競誇獎我師設法真有靈霹靂一聲虹跨澗北村共訝雲將散應是神嗔禮未勤明日重將肴果辦陳肴列果色色鮮鳴鑼擊鼓拜禮虔師云神喜雨可俟啓筥看蛇蛇已死

波州鋪

萬一樓集

卷十

一

度嶺思停轡村醪不待呼嶂烟清繞樹沙露細平蕪小院飛蝴蝶荒山啼鷓鴣壯心今已老猶自取長途

禽言

山高可梯海深可航風雨有時收豺虎有時降千古荆棘人心訛眼前平地翻成波行不得哥哥風雨來

荷擔詞

平越道中作

朝荷擔暮荷擔朝發北山頭暮宿南山底鎮遠江邊春雨多騰衝城下秋風起一擔相將二百斤一行無慮三十里百斤分爲五日程午殮只裹晨炊米鳥道猿犀鬼亦愁斗笠鷄衫肉皆胠征夫偶逢頻問勞豈鐵爲足銅爲肩故園欲耕無寸

土官司猶索租庸錢飢寒無奈棄鄉井始爲暫計今忘年流
離滿眼誰骨肉疾病所藉惟塵烟明將九死博一生酒家一
臥猶稱仙

大清浪懷李將軍王參軍

故人騰達去千里訝重經山俯苗村遠江環幕府清當年生
死地此日往來情征馬臨關路長嘶不忍行

偏橋贈陳將軍用壁韻時方喜雨

雙旌搖曳萬山中到處逢迎追未窮溪曲總纏元豹窟城高
半倚白雲叢臨崖梵宇斜橋度絕塞苗村小徑通喜遇故知
甘雨後且呼美酒學無功

萬一樓集

卷十

問

蹇劣憑誰訴支離轉自憐愁來狂似醉靜後強如禪丹障雲
過麗青林雨霽鮮經年無鴈到安得遠書傳

飛雲巖

清泉百尺山頭飛山迴路轉巖崖奇桃源天台不可索鬼斧
神槌詎能鑿想昔鴻荒乍欲開雲霞五彩空中來剛風一吹
成大塊靈芝萬朶瓊爲胎不然羣龍出海底毳結纓聯帳天
起鰲足龜文八表齊畱鎮窮邊不輕徙我來幾度勞行廚俯
窺仰視心神舒掬泉鑿石洗且礪疑抱日月鞭雲車

雲溪洞

早憩飛雲巖晚過雲溪洞晶徹日月明瓊結虬虎縱輿人對
予言此洞深且封裹糧半月行有路通雲夢輕風拂冠裳瑤
草迎車從振履復徘徊瞻顧心神動恐有仙人棋披雲幘無
哄
懷重慶朱明虹使君次原寄韻時過黃平驛使君屬也
文章政事總無前三載琴書蜀道烟報國常存畱犢意憂民
還續捕蛇篇水聲帶雨春浮郭山色連雲晚入軒自識元暉
多勝抱何緣對酒共陶然

不安塘哨

萬一樓集

卷十

三

原平寬繞堡山簇直當樓記取安塘哨雲霞分外幽

喜客泉

靈泉能喜客萬里幾回看小寨荒烟碧青山落日寒

龍窩舖

壁立高崖斗帳堂雲烟蘿薜共青蒼下車一飯蕭然適忘卻

旌旌在夜郎

普定行署後竹石

停車撫長鋏深愧廚中魚檐楹足徙倚竹石幽且翕巒巖點
蒼翠澗壑涵清虛靜嶮咫尺間勢與衡嵩俱小亭當曲陔况
可居琴書所少故人對把酒翻成吟

普定圓通寺山亭
古寺山一隈升堂復穿箐危欄護層梯小樹倚迴磴絕頂浮
圖邊別啓軒楹淨參差綠蔭濃寥廓丹霞暎香茗老僧供笑
語飛禽應一眺盡雄城心與浮雲競

滄溟有路通天漢

仙客乘槎事非謾支機只說牛斗坡誰將

移瀉西南來湍衝抑遏號且怒雪歎雷轟起烟霧懸厓涉級
飛更奔子胥盛氣當海門蚩尤甲馬驅百萬一吼應教望風
散丈夫意氣憑乾坤據鞍長嘯舒神魂當年神禹曾排否何
日文媧還借手蒼茫雲日升高林水聲時帶青龍吟霹靂一
萬一樓集

卷十

四

聲厓畔起飛作甘霖萬方喜

不須言萬仞壁立疑無路之元寸步登相戒勿反顧古廟鏤

關頭雄壯默爲助想昔開闢初設險豈云妒華夷當有彊慎

守勿輕度將軍勇蓋世揮劍南人怖生多開拓功死寧薄蠻

部未了中原心星郎元臣故瀘水炎瘴高劍閣寒雲布今古

瞬息間聖主開靈祚四海總一家梯航總安步負劍事遠

遊短髮違長慕四眺萬山平蒼茫日將暮

盤江水淺且深淺兮蛇虺肆深起蛟龍吟盤江水濁更清濁

君手盤江

盤江水淺且深淺兮蛇虺肆深起蛟龍吟盤江水濁更清濁

兮百穢集清帶腐骨腥厓高峽亂波迴急毒霧愁烟兩山溢
聖主垂衣萬國寧魑魅斂怪波海平蠢爾隙壤庸無靈天
邊遠涉非吾欲一飲須教滿吾腹朝從江東飯暮在江西宿
載揭還載厲濯纓旋濯足河神狎吾愚山靈忘吾俗不須重
挽天河洗更爲西南斷鰲足君不見呂梁之水千尺高丈人
出沒如空壕百年萬事信所遇跼蹐肯學兒女曹

山雨南安道中
改路人何在環山路自悠關高鴉翻倦日慘瘴痕浮小剝泉
聲曉空亭箐色秋雲嵐知避客旋向馬前收

對江西湖

萬一樓集

卷十

五

謾隨山峽望西傾幾處蠻家月色明縱入盤江不爲瘴東流
終會海潮平

聽雨

山雨來何急清聲促漏頻苔堦落檐溜巖壑長泉痕楊柳枝
猶密芭蕉葉正新秋風助蕭瑟偏動遠遊人

新興道中

日出雲猶澹山村景色和遠場成市早小寨放牛多隴曠憑
人種途清耐客過傳聞羅鬼關不敢越關河

過萬里亭

聖主千年會中天定八荒渙雲當微塞化日儼京邦禮樂冠

裳洽車書草木芳孤臣忘犬馬萬里挹星霜兀突闕亭碧靜
嶮劍珮蒼倚欄卑蜀閣弭節隘周疆開沼當時事祠神舊日
章是非俱入幻今古幾當陽馬背分秋色刀頭看月光何緣
嗣明德不愧遠遊疆

青溪洞

遙看山閣麗默識是仙宮入洞烟霞幻明松屈曲通想當天
造設鬼斧盤螭龍高架復深入窈窕選玲瓏不作王侯宅只
許仙人從千載瞬息間萬里披洪濛僊人何處去僊洞蒼蒼
封山深荆棘遍路僻豺虎蹤 聖主崇皇極清穆萬國同美
人多雅致芟削還淳風流水薦清響密符合蒼蔥丹厓懸磴

萬一樓集

卷十

六

側青睇小橋東鬱陶遠遊客繫馬嗟良逢

此言交水道中

五華遙可指交水路猶長曲峽松開徑荒村棘補墻女郎鞭
燕麥客子上龍場慘淡斜陽裏高臺可望鄉
歡傳武侯祠
力戰擒遺縱雲邊鐵騎勞乘時南撫孟定計北誅曹瀘水清
炎璋滇關足澗毛萬年遺像在日月漢空高

歸化寺小憩雨

客廳方欲洗風雨滿天來松院憑軒坐蕭然愜素懷

發歸化寺喜晴

堤柳隨風舞兒童躍雀迎錦袍映新日喜得雨中晴
最好中秋月邊城也自明曉巖影蒼薜曲磴映丹楹徙席絃
歌擁憑欄鳥鵲驚鄉關同此夕尊酒可中庭

中秋月邊城也自明曉巖影蒼薜曲磴映丹楹徙席絃歌擁憑欄鳥鵲驚鄉關同此夕尊酒可中庭

紫塞巒山外青燈旅帳前短箋元尚白空館夜如年海霽光
乘月關高氣吐烟登樓思拭劍庭樹露華鮮

臨兗守道小亭

錦亭堪寄興兀坐頓忘機竹箭芳叢小芭蕉古岸齊河穿侯
第竊山繞女牆低啼鳥秋雲外飛花玉局西尊開仙客過簾

萬一樓集

卷十

七

控吏人稀徙倚渾無俗何須問釣磯

閏八月十五夜紫薇堂玩月

蓬飄初側席桂節再逢晨月色明於舊秋光老更新叢芳含
玉露關海淨炎塵不盡尊前興空羈萬里身

閏八月十五夜呈劉學憲

把劍憎登樓長空月色浮百蠻雙短髻一歲兩中秋摩漢雄
慚隼營巢拙比鳩有懷歌九辯蕭瑟轉成愁

劉學憲秋日試諸生

桂香飄滿院菊蕊綻盈堦風高天氣爽朝曦上三槐三槐鬱
參天其始藏草萊芟植不以時能令突成材六詔古荒微淑

氣欠乃開 聖主會千載文教敷九垓美錦付巨手梁棟資
培栽空庭懸玉鑑清光動織埃碧闢翔彩翼昆海揚神鯉行
看雲五色飛繞 金翠恩蕃薇與桃李何足塵池臺飄流唾
宋玉作賦徒多才陶鎔欣萬類袖手暗三父
太極山無恙樓臺烟霧紛新城雄百雉舊井繞千門怪石芳
叢立長流曲峽吞當年攜酒客今到幾人存

嶽豐次維樞所韻

巒山多舊節皇路異新豐萬壘浮雲外孤村落照中燕關秋
鴈斷鯨島暮鳶通解劍同呼酒相看憶遠宮

萬一樓集

卷十

八

蘭谷關

驅車過蘭谷采采不盈掬芳草滿深林何如當路馘

響水橋

小響不足聽大響里耳驚悠然蘭谷底何似總無聲

秋興八首

滿川秋色四山圍斗絕孤城暎落暉卒自遠屯輸稅到士從
夷寨授經回中原才子俱臺閣遠徼征夫獨酒杯翹首風烟
歸畫斧五雲縹緲壯天威

其二

碣石天空 漢闕高炎風朔雪總分茅仲舒東閣延偏早液

黯淮陽臥未牢鯨甲影搖開錦纜柏梁賦罷進葡萄虎頭關
外烟塵淨遙望燕然篋戰袍

其三

豐鎬周京卜洛前枕吳襟楚控幽燕江潮夜動秦淮月山氣
朝紛冶麓烟舊掖竹埤梧挺挺中臺蘭署柳鮮鮮故人詩酒
豪華甚六代興亡藐昔年

其四

禹穴遙臨天目東越王臺上野烟籠錢塘潮應諸溪日鴈蕩
雲開五泄峯鐵笛尚留文士韻浣紗常照美人容霜清月白
蘆花渚鴻鴈高飛過楚宮

萬一樓集

卷十

九

其五

憶昔初乘使者車曾將漢檄諭巴渝汾陽路轉逢邊吏夢澤
帆開問酒廬五嶽仙宮雲日外九河秋色斗牛墟子長原是
遨遊客萬里分藩未足迂

其六

碧雞金馬兩闌雄千頃湖光上華峯玉露暗霄芳徑白錦楓
高映畫帆紅瓊檐日暖簾垂地銅柱烟清劍倚空庾亮儘多
乘月興登樓安得共從容

其七

峩峩峯嶺曉霧飛點蒼巖竊落霞棲驛樓垂柳燕雲接郡署

幽蘭楚畹移諸葛營祠寒草遍王褒車馬亂山迷風塵重到
還依舊龜筮由來事未知

其八

終古乾坤蟻一區咸京宛洛孰贏輸夢回莊叟原非蝶歌罷
馮生漫爲魚七澤風光馳獵騎三山雲物擁樓居憑多詞賦
俱成幻且對黃花笑撚鬚

登姚安城南威遠樓

百雉孤城十仞樓沈寥天氣萬峯頭渡瀘甲馬金沙曉畫斧
車書銅柱秋昆水漢宮波白闊蒼山秦海石還畱綵甍鸞鶴雀
西南望爲報班生已倦遊

萬一樓集

卷十

十

易門龍泉洞

深山一竇開軒敞雲霞爛梯蹬竊通元樓臺兀連棧交加古
木芳清淺靈泉瀾落葉泛寒流化作胡麻飯

聲遠樓壘舊韻

蹇劣當時已倦遊十年萬里更登樓揮金早愧鋤園件投筆
今非出塞秋貂錦朝端歸騎擁蒲蓑江上釣綸收行藏吾道
尋常事笑倚危欄豁醉眸

回蹻關

惆悵西南路馳驅未息肩四山平接漢萬陝曲藏川遠哨沉
荒日孤村出箐烟蒼茫千古在鴻鴈幾回旋

武定獅子山

錦障排空起琳宮絕代開雲飛接巴蜀日出見天台亂後人
民少秋深瘴癘埋同遊俱仗劍不斬徑中萊

早發廣通

雲靄星微露風淒雨暗霏平林遙見火小箒忽鳴雞關靜狼
烟息嵐清鳥道夷尋常望鄉處芳草任萋萋

母山家櫻桃花

翦絳銷瓊簇紫霞初冬物色讓蠻家十年來看渾如舊不信

遊人髻便華

春日普湖道中

萬一樓集

卷十

十一

寒日狂風慘淡雲亂山深峽寂寥村遠遊何物堪相對瘦骨
疎毛寒劣魂

蘇特洱海城次王白嶽韻

孤城獵騎日斜歸負弩橫戈擐鐵衣隼入雲端鞞暫脫鹿藏
蕉下夢終非蒼山積雪含青障碧海澄波滙紫薇短劍塵衫

堪混跡斷腸垂白釣魚磯

曉睡唐按察邀迎帥侍御

喧填車馬到庭除擁被申腰正偃如曉夢初回渾忘蝶窠知
期會有尚書

蒙樂山

我旌日云邁我駕稅何在千里蒙樂山蒼翠色不改有峯俱
插天有麓直綠海雲霞出沒奇朝紛暮選靄中有神仙居鍊
石成五采何當凌絕巔相攜扣元宰

新田驛

梅白櫻桃紫相依傍碧岑幾程天欲盡孤館霧偏深斗色侵
長劍風光入素琴一官仍未達徒負百年心

登景東凌霄城

斗壘憑臨十雉城百蠻孤塞賴藩屏周疆尚遠天垂盡禹跡
當第地亦平蒙樂曉寒都日暎瀾滄春瘴海雲迎酬 恩到
處愍長劍何必燕然始勒銘

萬一樓集

卷十

三

喜晴

坐久窻忽明日光來屋角怪底檐無聲雲開見巖峩高樹嫻
輕烟懸崖歎清瀑雙旌帶鳥聲冉冉轉林薄

石洞峭望蒙樂山

癡兒聚奇石築壘成岡巒豁磴雜花木亭池涵清湍圍環繞
數畝寶朋足盤桓寧知乾坤偉到處山川寬蒙樂峯萬仞蟠
結千里寒高樹遠若齊小阜翔如鸞飛泉落千澗蒼壁穿雲
端巖崩亦窈窕四顧皆巘岼蒼蘿掛虬松芳叢繞鯨盤雄眺
壯心目始足稱大觀况夫中原勝崑崙滄溟千九河并五嶽
環拱共長安達人振高足揮塵恣清歡胡能局一邱如蟻遊

寸管顧昨登泰山蹻蹻矜鵬搏作賦千萬言墨跡猶未乾
居然夢寐吳秦俱漫漫乃知齊物論莊生原非設仗劍四海
窄袖手足一丸孰癡還孰哲誰缺輸誰完泌湖春水漲五洩
秋峯攢故園清景足杖履尋常看翹首白雲斷何當理歸鞍
來障定邊道旁木黃金神井開野谷空翠滿風雷土香出

定邊夷民窮到骨定邊山田不生穀定邊山路繞山腰萬木
龍菴蔽巖谷桃僵李蠹不足言合抱松杉臥當麓蟻剝苔葑
野火燒舊者未盡新成簇虎狼出沒盜賊多斫伐不使藏麋
鹿人民稀少道路難梁棟棄置檟棖閉我來儘有匠石慮轉
置無力徒成歎咸陽宮殿高百尺杜陵豪客思千間人情時
萬一樓集

卷十

三

事不相值大庇誰獲開歎顏生莫作定邊民喬莫作定邊木
鶉衣罄室橫道側寒雲凍日隨關山

鳳皇山

四山蒼翠俱接天一山遙望尤巍然巖巒翠律宿冰雪晴雲
皎日爭新鮮人言此山名鳳皇深林往往藏神仙年年百鳥
來朝日雲中時下黃金軒我聞便欲凌雙翰乘風直上看幽
燕燕關阿閣高百丈佳氣直與岐山連

望見蒼山雪有懷王白嶽憲長

美人蒼山麓栽花勝金谷洱海生月光賓朋正燒燭相逢曾
有約授我錦繡軸看花更登山醉臥芙蓉褥人事苦不齊奔

萬一樓集卷十二

蘇靈閣賦

蘇靈閣賦

蘇靈閣賦

星磴虹橋寶閣攢彩霞蒼幹碧峯寒憑虛躡險神飛動况坐

平林仰面看

莫高其

曲房斜閣倚巖開檀鼎烟清繞石臺山色入窻依舊綠昂霄

贏得白雲來

萬一樓賦得瀾滄呈華兵憲

萬一樓集

禹跡西南遠瀾滄畫斧涯山從巴蜀到水自吐蕃來鐵騎唐

藩重雄城漢郡開風塵談笑淨鎖鑰更誰才

曲

莫高匪天登無梯莫厚匪地通無微青山敞華洞蟠結紛虬

螭方識地有竅肯信天難幾人傳昔年有奇客乘火曾齋數

朝食仙踪杳邈不可窮捫跡回來常嘆息自此無人度石梁

落花流水雲空碧我鄙疑此中直與冥關通神人當紫極日

月熙元宮華胥天帝定詎數瀛與蓬不然誰與集鬼斧暗中

槌鑿開瓊戶我曾燃寶犀照海見水府亦曾乘海槎支機懸

繡組臨風不覺夙心雄拔劍便欲驅神工部開萬古夜壁立

繡組臨風不覺夙心雄拔劍便欲驅神工部開萬古夜壁立

千仞峯一覽盡眞境不使烟霧濛所嫌洩天祕翻令造物忌
回首乾坤總一窩至止何須論巨細欲從洞裏覓乾坤易又
八百從頭味

登山

雲白山青日正紅錦旛瓊帳最高峯世間萬事看人好兀坐
平林把一鍾

龍馬箐道中

綠樹崇岡杳蒼蘿曲峽賒梅花矜臘色傍水故橫斜

鶴劍篇寄羅樞所寅長

美人贈我鶴慶劍畫影騰空未云厭在匣時聞龍虎吟拭土

萬一樓集

卷十一

一一

芙蓉更生豔出常珮帶入寶藏神姦遁跡物鬼斂默想當年
鼓鑄時山閉溪涸風胡馳斷髮流金還自躍龜文漫理分雄
雌君先握雄雌授我純靈奇氣盤蚪螭目搖秦客驚初見突
陣青龍馳紫電少年欲斬佞臣頭夢中持扣黃金殿太平盛
世乾坤寬風清中外無恩怨憶昨同攜過碧雞匣中隱隱愁
別離佩登三事張華在抵掌伊吾各有期天生神物終當合
翹首延津彩霧迷

贈唐鑑江按察

星軺清暑舊同袍炎微冰絃更續膠春暖外臺欣露冕月明
中祕賸風騷上遊江漢金沙遠再發崑崙太華高碌碌因人

慚短髻登臨作賦讓誰豪

吳韓將進酒贈劉小鶴學憲有序尋金尺樹小賦
意以山山城治具甚草且無以爲侑因爲短句意欲於筵前
嘗烈酬俚誦以候引滿顧必有金石之響鏗然觸地者始足
春容正以厭佳人之瑟而起唾壺之缺脂鞭燕石毋乃翻爲
春草暮高識者所掩口然竊聞之飽膏梁者偶啜蔬菽真以
光醪爲太奠元酒而出入於宏宮邃閣時履荒郊不覺神
工莫亦怡自洗公方握瓊披繡而投節鉤韶萬世動情於布
爵王粟而以蛙聲爲一部鼓吹能不爲我更罄一壘耶
聖代崇儒術權衡屬巨公文章三殿重禮樂百蠻通雷動春

萬一樓集

卷十

三

山雨星迴瀚海風豹林祥啓霧鯨浪勢凌空繩墨歸輪梓和
鸞御玉驄行回趨正鶴藝總薄雕蟲歐冶鎔金粹方臯骨相
工晨光蘋藻潔秋色梗枻豐鄒魯斯焉取唐虞比可封揚旌
光繡豸轉轂際雲龍國士奇無三家聲淑更重郢歌湘瑟應
春草暮雲籠燕瑣封章密秦關聚戟雄壺荆饒歲瑞桃李競
春容五彩巖廊日孤標海嶽峯尋常佳氣接錯愕景光融列
宿原隨極孤邱獨倚嵩姓名璠箴麗冠蓋屬車從南斗經年
意求山謝世踪漸看頭積雪寧復腹生松犬隱非尊海高情
異轉蓬殘冬明月夜絕域舊花宮翠釜兵廚小丹絃焚調濃
清尊聯可對顯塞未須窮

觀海樓次李使君韻

無事漫登樓，憑窗見海鷗。
雲移黃鶴色，雨散洞庭愁。
古壘松杉蔽，寒郊莛麥稠。
日斜人影亂，同喜醉翁遊。

登姚安東山

絕塞崇岡側，荒營古廟低。
雲飛交阨北，日落吐蕃西。
漢事村烟暝，唐封徑草齊。
長安消息斷，翹首思棲迷。

姚安諸葛祠

古壘清祠小，寺邊孤城平。
野亂山前蜀，都雷電九天。
落瀘水魚龍五月淀，夜雨空林驚鐵騎。
秋風晴漢引旌轅，蕭曹伊呂無勞問。
澗藻溪毛到處鮮。

萬一樓集

卷七

四

元旦

戊寅

春色回天外，羈愁集歲初。
姓名人指摘，髮齒自蕭疎。
官舍偕齋冷，鄉書鴈影孤。
獨憐青海日，萬里照屠蘇。

獨坐

李白觀桃紅，亭亭短竹叢。
豔輕清暎日，香細暗隨風。
燕掠朱簾動，蜂喧碧榭空。
小堂成獨坐，忘卻有江東。

寫做

寫做少年事，垂老勞神形。
逸少不可作，子昂世無京。
遺墨千百載，瀟灑憶如生。
嗟予幼失學，舉筆如持荆。
敗素內自愧，意氣徒吞鯨。
踐形在君子，盡性乃其經。
一腕雖甚眇，失性懲非輕。

輕蹙跢流年逝兢惕志未寧官閒得閉戶撫簡式且程媪
新刺繡指棘終無成欠伸忽自笑何年墨池盈游藝聖所許
非時兒童評顧自不爲倦每藉舒煩膺丈夫志遠大生平豈
無營金甌醉醺醖歡謔移軒枰聊謂此猶勝默默晴窻明

讀書

少年習章句老猶似儒生夜雨續殘燭春風寂啼鶯丈夫圖
盛大幼學壯以行蘊精攬其要高舉當權衡區區髮半白爾
爾將何營况今談聖學謂不在六經子史尤鄙細徒足損性
靈顧予蠢且僻慕古懷典刑開軒堦草碧滴露庭柯清温故
如抱玉知新勝含錫稗官亦可喜聖謨詎無徵縱令實不至

萬一樓集

卷十一

五

暫覺胸臆宏挾策果亡羊甘與博筮并晝長皮几潔吏散重
門扃披卷讀且想昏然忘枯榮

深館

深館孤燈照雨昏劍光沉鬱玉爐温逸思巍寶城千尺清燕

南檠細論文

時華昆源羅樞所王白嶽三公在蒙化

小館

小館孤城雨乍晴不知昨日是清明花燃柳暗空郊外免得
鄉心逐鳥聲

洱海遇風

驅車青華道城閣穿雲中鐵馬振題桺林木號長空大塊散

噫氣發育八表同胡爲當此地披捲殊遭遙僕夫控勁弩襜
帷飄飛逢人言蒼山側景絕勢更雄榆木波萬丈雪巘遙千
峯中有兩仙人一嘯龍虎從西去路數舍分來氣猶鴻陽和
破殘臘轉眼春欲終花信二十四奔走違故宮徒負七尺軀
局促無善容相逢總豪舉邀我傾兕觥前途亦如此匆匆將
何窮引滿歌且笑復醉祈化工飄揚自天末旋至滄海東小
園花正發簾幕喧遊蜂吹噓莫造次蕩子懷新豐

普溇道中口占

官閣難逢陶令卮鹿車不逐穆王馳漫遊何似疎狂客行部
看山了一時

萬一樓集

卷七

六

喜雨

山雨穿城到塔苔
浥露新風雲方際
會草木總生春
漢相遊時制周波
冥聖君均調無絕
塞色笑啓芳樽

久旱至武定小雨

停車疎雨滿高城
單葛生涼小榭清
碧樹萬山虹影落
飛流一線夕陽明
那逢新造當邊徼
帝念窮黎憫客情
安得遂從終大惠
洗天三日倒滄溟

喜雨

枕上芭蕉薦雨聲
勸農忽夢小車行
不知薄俸緣何事
能變

山居落魄情

夢見樓用中

遠道飛魂至荒墳宿草新技能資我拙祿不濟君貧破屋凝
霜漬空梁落月痕窮通無限恨誰與問洪鈞

發武定

曉雲初散日華鮮搖曳雙旌拂隴烟人競稼秧新雨後鳥驚
伐木小莊前淹邊垂老瓜 明世定亂臨風問昔年名利牢
籠終白髮枕流何似對鷗眠

端陽富民縣把酒

天末逢佳節孤樽亦泛蒲方懷親友共轉憶歲時逋邑小新
遷治田荒宿負租南風正披拂欲鼓舜絃呼

萬一樓集

卷上

七

賞紫薇花

紫薇花發紫薇堂錦瑟瓊樽掩映芳錯落明霞濡湛露輕盈
繡幄擁高幢雲邊萬壘齊休馬雨後千家競稼秧歌舞莫嫌
頻換燭曉風旌旆總茫茫

回姚安口占

旋旌當久旱甘雨喜隨車偶爾蘇民望天功敢自居

送張漸江大參赴嶺南因簡姜春宇馬暎臺二僉憲

雨花臺畔路多蹊樽酒昆池又別離鵬徙垂雲蜩鷓躍燕歌
斜日鷓鴣啼梅浮春色雜烟暖鱧引秋濤海瘴低流水高山
逢舊好肯絨清調說滇西

六月南中桂子秋同攜綠屨一登樓夕陽古道匆匆馬漁浦
荒烟渺渺舟水注金沙巫雨上山連銅柱粵雲浮百年勝會
天涯幾肯惜疎狂賦遠遊

安寧溫泉四首

千巖風雪瘴痕收一澗清深暑氣浮縱是出山依舊冷窮源
終不類凡流

其二

朱欄曲閣不通塵碧砌常涵玉鼎春固識華清多勝事牙琴
點瑟共浮雲

萬一樓集

卷上

八

其二

嗽玉蒸蘭馥且清濯纓濯足任人情洗天涼雨窻前過蜀悅
湘蒲汗覺輕

其三

急纜輕橈帶雨來清歌短賦傍雲裁炎涼識破渾無事芳燕
頻依夕照開

羅漢寺次盧廉訪韻

掛壁臨淵結構奇鶴巢珠樹鹿銜芝海涵秋日光千頃山擁
朝霞氣陸離矮竹長松開徑遠綺欄香閣聽經宜遙瞻萬堞
聯雙塔斜日浮烟別有思

石羅漢次盧廉訪韻

何日焚身去千年化石來鋪袞蘿月映飛錫野雲開巢鷓鴣
千丈呼龍水一杯上乘從會得不問世興衰

太華寺次盧廉訪韻

俯海聯關芳樹賒樓臺鐘鼓薄侯家門羅錦石時蹲虎天近
雲峯數雨花鄉思消殘仙子局詩脾清徹老僧茶十年景物
還依舊烟日蒼茫接五華

五華寺在會城與太華相對

中秋

萬里同秋色孤身滯夜郎月來東海上鴈逐北風翔雲淨天
彌闊庭空漏更長舉杯無可問翹首四山蒼

萬一樓集

卷七

九

雲南驛次韻

古驛臨荒野棲遲幾度行馬疲猶識路民瘠不知耕負擔懸
鷄市樵蘇度鳥程只宜衰鬢客馳逐暮雲平

青華洞

屈曲攢懸磬離奇雜綺霞開應勞鬼斧入始識仙家丹溢甕
殘鼎曇疑吐幻花乾坤遠底蘊日月漏光華穩稱陳搏臥閒
宜李愿誇何當重列煥采藥裏胡麻

晚至定邊

蕭蕭秋旆捲寂寂野堂開暝日村烟薄隨風山雨來頽垣棲
辮結小澤長蒿萊客思渾無極臨軒不可裁

九日定邊登眺

錯落岡巒總插天，曲澗斜坡結成隄。邑據山腰只一邱，民除
客籍惟三戶。輿臺登覽足清秋，賓從踟躕訝旁午。溫泉鼎沸
氣吞龍，密箐風號人逐虎。蒼嶽南旋壓百蠻，金江北轉奔三
楚。丈夫劍履薄搏鵬，聖世梯航無畫斧。白髮朝梳落一團，
丹心夜撫圍千畝。日昃金戈力可回，天高鍊石功堪補。英雄
終古問誰強，壯健幾時能自苦。故園黃菊又經年，翹首依稀
見天姥。

瓶中佛桑花

折來猶未見全株，挹翠鸞丹眼已舒。安得臨軒承色笑，避霜

萬一樓集

卷十一

十

高結碧紗廚

賓川次故開府鄒侍郎韻

有序

良天豈侍郎平鐵索，箐宿寇百世之功也。而時論不與事固
終古聞有然者，憑軒把筆不無藏弓之感云。

密箐長川控一城，英雄今古幾垂名。寇平入夜千村靜，地暖
先秋百穀成。蠻店金沙西蜀雨，梵經雞足半空聲。臨風玉劍
徒生彩，擬把青門問邵平。

見日樓漫興

百尺危樓足自驕，孤城雙塔四山交。混元殿角千年樹，大石
湖心二月濤。寺有古山僧榻淨，祠存諸葛將臺高。乾坤何處

非吾土燕北稽南夢獨勞
指長風且御靴不寒對秋陰寒

十年道路九羊腸高閣偏宜遠客狂
昆海簪前分大澤謂大

石湖也蒼山雲外共斜陽
唐城寂寞荒林底漢壘崔嵬古寺

旁樽酒憑臨無限量
衰誰信寸心長問此歸人誰成斷

送君無限意不爲惜
君行家有雙白髮萬里難爲情薄田足

餽粥癡子工羶腥
所缺獨有在未足煩君聽君家鱗羽便每

辱寬我膺飛騰秋漢闊
誰復傳尺鯨朝日出東海赫赫西陲

熒兩地同見日九天
倏回星因君增感慨驪駒更悲鳴君行

試回首日暮寒雲平
對四星因君增感慨驪駒更悲鳴君行

風光轉天末十月櫻桃榮
驅車過金馬貴竹千山迎楚水芽

有正彭蠡寒無冰
入門當歲節梅花鬪新晴
天子求外相
祖制非反經
東風盈上苑
桃李參差明
御堤千樹柳
樹樹含烟青
桂林膏雨足
魏闕台光清
翹首問滇海
故人酒如澗

何當同引滿
雲樹渺層層
書知宜
寶蓋林苑
萬壘巖巖古
寺
十年回蹀關
次韻
高
謝宜
凝客
珠
晶
欲嘗
浦
衣
大
軍
關
大
碧雞關外更多關
人自奔忙雲自閉
石蹬盤空臨古峭
土城圍驛倚荒山
英雄吟古知誰是
風月乾坤不我慳
短劍素琴

萬一樓集

卷十一

常對酒肯將歌舞讓朱顏

大觀祿豐道中卽事

綠樹林中白壁黃泥坡上烏牛石橋酒家低旆雲岫經僧小樓赤腳商人野飯蓬頭夷婦秋收朝陽一村清景客子三年遠遊

和曲道中

炎邊無十月偶此見冰霜小澗泉流澁平疇麥葉黃山寒收瘴氣月落動晨光征騎蕭蕭發鄉心苦未降

元謀縣

縣廨頻遷地征徭半沒田草枯頭自結民病瘵多偏雲際川

萬一樓集

卷十

三

山山林端楚日懸瘴痕收喜盡班馬一蕭然

送張廣文還山賦贈

君不見山下泉涓涓流出同新鮮遠者奔騰到滄海其邇咫尺滋桑田又不見林中木暎日穿雲俱棧樸棟梁宮殿塗黃金幾枝折作鹽車軸車軸桑田已足輦况夫沃釜擢爲薪尾閭大海終歸盡咸陽三月飛烟塵天生百物各有分智力誰能移尺寸幾人作調得千年碌碌風塵嗟困頓眼底張君氣獨豪解綬拍手尋蓬蒿自言蹉跎分已足斂袖且欲全鋸刀衣冠奔走各旁午模範誰能還我父清風匹馬來時裝紅日三竿昔年隲一盂一榻樞有繩良辰佳客不須迎神仙自古

在平地山林未許巖廊輕我心不欲君歸谷我力猶能縛君
足知君夢已覺邯鄲聊爲君歌泉與木

聞高中元老師詩

四海蒼生意尚懸洛陽橋上忽啼鴟蜘蛛絲久網延賢閣燕麥
新搖獨樂園嵩嶽百年收間氣箕光一夕散清烟漢昭不滅
周成聖他日終知子孟賢

其二

勳謨恩怨總朦朧落日浮雲逝水東桃李春風金谷閉芝蘭
秋露玉堦空 兩朝 憑几叮嚀詔 三殿垂紳蹇謬躬青
史未須勞直筆且從麟閣畫儀容

萬一樓集

卷十

三

其三

城中車馬日麟麟徑草萋迷石碣新夫子我能私作謚門人
誰許竊爲臣杏林春暖隣墻蝶蘚沼秋寒絕塞塵拭淚何年
過墓下劍光輕拂樹頭雲

遊僧

方函匾袂小孟圓錫杖橫穿沒半肩紅日白雲攀翠隴無人
不道上西天

得姚使君書賦寄使君舊守大名左遷桂陽今守嘉定

爲量移云

衡陽回鴈帶斜曛蜀道誰能致尺鱗楚畹紉蘭新製服冀方

展足舊空羣那齋曉映蛾眉雪江郭春浮錦水雲勝地自宜
詩客據莫登高閣望京塵

送王白嶽參知江右

梅疎杏綻柳條榮別燕開當海日晴青瑣封章投徼檄蒼山
尊俎入關旌滕王閣上秋雲暖陸子祠前曉月明作賦雅知
君出色登臨何日得逢迎

萬一樓集卷十一

終

萬一樓集

卷十一

十四

萬一樓集卷十一

終

皆出愈發語曰日併發

取取人賦秋意玉關生輝雲錦到平隴
前熱其固骨期解映
謝東香瓣賦科榮似燕開當海日晴青瑣
陸子祠前曉月明作賦雅知君出色登臨何日得逢迎

徵正白嶽參知江右

精容紙裏登高閣望京塵

其且香空羣那齋曉映蛾眉雪江郭春浮錦水雲勝地自宜
詩客據莫登高閣望京塵

雜詩

安寧署中樓上次韻

天地容吾漫邊城上此樓水環聞落響山隱露峯頭斜日湘
簾影浮雲楚賦愁遠遊憶司馬不是覓封侯

迎春柳 一名金梅花

名花金谷常對酒野花寂寞依山椒炎邊冬暖花開多道旁
又見迎春柳枝疎葉朗花瓣肥梅神菊色陋薔薇車前嫋嫋
隨風舞渾疑夾蝶穿林飛穿林映水迷蠻店迎得春來桃李

萬一樓集

卷十二

一

豔傍雲裁日總無緣徒使遊人撫長劍

吳興徐龍灣方伯訃至自江西

當年贈藁墨猶新楚竹迎颺減翠筠帝子閣中簾暗雨真人
宅畔隴浮雲文章廊廟雄前代踪跡江湖迴後塵天目茗溪
蘿館在夕陽衰草對斜曛

除夕

天涯歲杪滯孤身空館燒燈僕隸親強健百年常此夕肯嫌
漂泊擲芳樽

驗象

巋然道上如孩卓錦袂狔聯縹綬銀纓金鐸寶鏡明絳首

纏腰燦如斗旌旗簇擁鼓吹喧道旁觀者車馬駢重臣據案
小臣走譯士蠻酋頻啓首自從欽命飛九天津途到處儲
車船封章馳傳期半月萬里須教上黃金闕同生山海爾何
奇遭逢此日宣光儀聖朝天子重明德異物不以登貢冊
德流業廣式九圍儀章巨細蠶且徽雙闕盤空五雲
上 陛前交戟千層壯禁扇纔啓百官齊齒薄將移五
鳳飛此時見爾當廷立逸氣驕心俱斂緝傳言食祿比將軍
戴胄環甲宜絕倫不如仗馬鳴還斥寧似犧牛廟中劈所嫌
驅策隨匆匆趨繩步矩始不違天生萬物貴世用肯戀炎山
草不枯

萬一樓集 卷十

草不贈羅樞所寅丈人 賀

春殘花鳥自蠻都酒盡兵廚更爲沽乾海斜陽征旆寂亂山
輕霧驛亭孤嵩呼星弁連邊澤鴻漸雲遠引鳳雛路出邯鄲
煩借問盧生幻枕尚存無

上 奉贈按察使星巖詹公入 賀便道省觀 有游

意 憶與公會於彭城徐刺史席上蓋十年餘矣刺史公
春 同鄉而予爲刺史門人感今懷昔不覺及之云

望日瞻雲兩地情問關萬里一行旌黃梅雨過荔枝熟丹桂

風清萸葉榮江郭故人燈下燕山陞蠻吏馬前筆重逢十載

渾疑夢誰遣臨岐唱渭城

曲靖道中贈歐茂野憲副
闕下新逢似故知，琴樽此日儼襟期。
關亭繫馬塵初淨，野寺看花月未移。
南北封章同瑣掖，升沉冠蓋總天涯。
倦塗自喜蠅隨驥，千里渾忘歷險夷。
行旌又復西馬疲，步逾緩山高雲霧迷。
海澗蘼蕪滿風塵，出市橋燈火歸山館。
丈夫三尺劍，擬挽天河澆精光。
燭斗牛荆棘寧足斷蹉跎，意未酬漂泊雙鬢短。
多君志方烈，周鼎力堪幹。追隨半月程，提衡忘兩曠。
明時盛賢哲，周行緒應繼。鴻鶴翔九霄，鷓鴣翅忘悞。
何當播春陽，頌使寒谷暖。

萬一樓集

卷七

三

欲遊蒼山不得簡華兵憲

十九峯頭春雪晴，峯峯寒削芙蓉青。
淡雲一抹松障橫，明月萬頃榆波平。
負山駕海天築成，兩關鎖斷真蓬瀛。
花燃鳥碎風日清，絃繁管急尊俎迎。
屏牀鑿石瑜瑤輕，螺結蛋鮮脂凝。
寺傳三塔寶，館精幾翻蠟。展張行旌雅，知俗態羞山靈。
還憐蓬鬢隨霜星，夜深拋卷移孤檠。
夢遊天姥千年情，主人有約捐百朋。
多方爲我求青萍，定須共步攀蒼冥。
岸冠長倚神鬼驚，吁嗟人事無定形。
斜陽歸鳥昏霞層，天野翁自喜

方左伯兩考奏最二首

犀帶雞袍萬里閒，鯨鱗鵬翮六春單。
霞開棠彩明丹微，露浥

微暉映素顏寶井日寒風靄淨檳林霜暖簷花蕃金甌 睿
藻無中外莫道沙堤遠玉關

其
赭囊驪騎帶星飛爲報邊風暢紫薇嶽色過秦瞻大華海濤
從漢識昆池孤標雲巘撐銅柱五稔荆谿長玉芝世事積薪
無足問已看古綸彩燭翠恩

思家

故園在何處孤劍滯天邊人去隨重譯書來定隔年鳥啼山
雨後花發野亭前觸忤偏堪怪能令兩鬢鮮

祿豐卽事

萬一樓集

卷士

四

孤村小聚驛程幽薄暮停車野色稠繞郭水從南海去滿川
雲向北山流橋頭雨過烟含柳谷口霞明日在樓把酒莞然
成獨聽絃歌疑入武城秋

贈顧按察

顧君骨相今古稀登臨不擇山水奇酒酣自詫少年事一飲
五斗春風熙慣騎迅馬奔絕巘酌虛一躍鴻溝淺荒原百里
神鬼號雉兔紛紜曾足勸應弦白虎摧巖前羣英羅視俱騰
騫寶刀腥錯燔且孽徧亭傑士仍揚鞭歸來日色猶未暮馬
上抽思追七步星輝映倒千萬言不數相如上林賦自從獻
策趨建章千將光焰增雄長東甌旌節搖隨斗南海鯨鯢膾

佐觴匣劍幾年宣室遠喜見曩時鷹若犬孟嘗食客還數千
供資常足他何羨無端更作萬里遊著書翻笑虞卿愁平生
肝膈如子幾把酒况當池館幽齷齪憐予無足重對君徒自
神飛動一團赤實舊纍纍五尺青絲今種種不飲終朝醉似
泥高張兩拱羞縛鷄眼前能事既如此矧曰遠大能相期君
不見定遠平津俱骯髒英雄誰老還誰壯頭領如君格夙成
牧豕歸余守窮巷

對前五月菊
傲霜原爾性故發傍端陽炎彩流增豔南熏拂更芳窻前添
晚色籬下引秋光安得彭湘客餐英共碧觴

萬一樓集

卷五

五

山閣午窻明海堤秋樹碧洞峽奔流聲浮圖凌漢色經函寶
供前拂掛藤牀側古鼎烟正清短墻日將夕遊人戒勿譁中
有太守客

不景貴竹道中效顧僉憲作
客行始覺皇圖遠號令殊方亦自安谿洞遍分蠻部落山
程中度漢衣冠千峯雨霽青天出六月風高白日寒

威加思猛士欲將銅柱表江干
憲度炎邊肅仙莖密署芳紫雲凝霽彩明月瑩清光倚柏旋

靈鹿叢蘭觸玉璫亭亭迎旭日翳翳傲秋霜豸繡當臺麗
蹄出塞忙皇圖原續禹民俗始還唐銅柱烽烟息金沙瘴
瘴降桑麻聯島甸槐桂滿門墻已見澄清遠因徵錫祜長地
嚴涵淑氣景會發奇祥玉液三垣澤瑤池萬壽觴沐將從
次第歌舞詎遐荒

天策其二

代鄭義齋作

曾依漢殿吐洞池烏府遐陬忽毓奇素質先秋爭桂色鮮莖
裁玉潤香脂月沉蓮島霞偏麗露浥商巖日正熙把酒稱祥
誰獨健鄭虔詩思舊來遲

借李大參鄭副憲顧僉憲年丈同草高中元座師祭文

萬一樓集

卷十一

六

宿草寒烟雀巷迂瓣香繚帛佐茅苴麒麟漢代空雷閣馬鬣
周封幸有墟獨數任安終衛客不妨柳厚自唐儒天涯何事
題將急爲少當年政府書

題瀛洲圖

代作

代作

天策祥仙府龍從問世英退朝同結駟授簡各橫經春日盈
磚麗秋風入幕輕當年多獻納不洗禁門兵

醉後贈王松屏大參顧渾菴憲副趙心葵僉聞

希驥須驥乘希顏亦顏學尺步與繩趨非苟自束縛今夕果
何夕高筵傍江郭對此燈燭光懼呼共爲樂劍說雄萬夫歌
聲凌碧落一舉五十觴袒跣帽折角興隸俱掩口寧曰不爲

虐吾道有弛張作輟詎違獲憶昔當年狂縱人共愕自識
親章句虎兕就籠絡暗室如大庭戰兢虞履錯夫何三十年
病發此狂藥禮法本吾輩見獵喜心作齒豁髮半蒼眼昏步
全卻猶然誇矍鑠欲與朱顏較年力既如此師保立如卓濟
世無大才盜名矜齷齪已往何足追將來尚堪琢顧昔賢與
愚於今苦難索三萬六千場得意誰好惡清夜尚未央引滿
莫嫌濁

過滄江橋

絕壁凌霄鳥道迂深江飛霧混龍魚浮槎支石橫銀漢日影
長虹駕彩輿萬里梯航周象譯千村樵牧漢車書西南要路
萬一樓集

卷三

七

經由徧關塹重過百二區

過天生門

姑識騰衝路盤旋虎豹林竹斜知雪重樹翳爲秋陰函谷秦
關啓桃源漁父尋孤身天外鴈寥落日將沉

除夕駐金齒城

亡卯

山閣看雲遠蠻燈對雪華髻衰難別歲客久似無家諸葛營
連海張騫節傍槎前期與歸計消息問梅花

題簡贊機務冊

紀江陵劉愨節公征交南事也

簡命綸音數參謀廟算優天王周聖武人傑漢甯侯銅柱

千年折妖氛萬里收梟卿還有舌冰雪凜蠻州人共

人讀劉愍節公應制駒虞詩公詩藏南內孫侍御錄出

黃運虞韶外周歌漢曲前難名木仁聖化善頌治平賢金匱
藏珍久蘭臺發彩鮮斂襟三擊節恍惚奏鈞天

天恩重贈爲劉侍御尊翁賦

種德家聲舊遺經世業新成均方沐寵憲府更馳恩鵠

繞庭槐曉烏棲墓木春驄蹄馳正驟鳳藻錫非頻谷客談
孀壽崇封爲劉侍御尊堂賦

莫問斷機情驄輶萬里行蟠桃仙侶獻羣翟母儀旌秋幹霜
陵勁春花露滄明分甘孫子集笑止課遺經

永昌道中雪

萬一樓集

卷十

八

炎方臘月猶嫌熱春風何處吹來雪山高箬密節氣殊瘴收
塵絕乾坤潔瘦馬荒村凍欲僵郵亭得火燒酒漿三杯拍馬
衝寒發還過梅花竹石岡

登蒼山遇雨

梅邊洗屐路猶乾郭外提壺霧漸寒不是山靈嫌俗客好山
須對雨中看

顧憲伯署中樓成賦寄

新構層樓舊憲衙曲欄雕梅儼仙家十年北望長安日萬里
東招碧海霞雲靄紫溪連玉帶水纏黑井入金沙山川精彩
隨人發何日登臨共月華

賦得栗園送客

百樹翠重重無媒徑自通
澗流分遠筍栖鳥動微風
果實收并芋花開素比松
曠便征馬繫涼廕酒亭空
山月斜穿白城烟薄抹濃
折來非柳色惆悵驛橋東

贈蘇帶雲次韻二首

蜘蛛鵲鬧錦韉來山郡花
明瘴癘開梵閣連雲叢木
石巒圍迎目聳亭臺赴
都稔識荆湘路吊古同憐
管樂才劍氣忽衝驪唱發
風塵閉卻渭城杯

其二

馬頭咫尺見金鑿此夕山城且盡歡
雞足月明榆海映昆

萬一樓集

卷上

八

池雨霽碧鬪寒揚鱗神鯉千江窄
斂膝遊僧一榻安前路逢人詢漫客
爲言雙髻不宜看

陪劉侍御巡祿勸

驄馬朱輪夾道驅山城風日正清
旸民稀守吏勤生聚俗起夷童解
愛書水漚石溪新雨後徑迷松峽
淡烟餘騎愁不識緣何事每負弓
旌卽破除

獅子山

武定城頭獅子山盤蛇翠嶺臨
百蠻朝迎彩日甝虎嘯夜遊仙
仗星辰寒烟霧叢中隱蕭寺殿
閣當年鼎京市萬木莖蔥泉石
芳千巒聳伏蛇龍伺勢搖溟渤
秋漢閉氣接恆岱春雲

斑峭壁時常發光焰異僧幻墨蒼苔間遠近人看驚舍利誰
辨塵埃天子氣城郭遷移塔半懸事有固然何足異憶昔茅
頭色正鮮狐營三窟深且堅將軍鐵騎來天上父老壺漿出
陣前擾攘千村幾割據蕭條十載勤生聚猶存白骨蔭青蒿
時喜幃帷止芳樹英雄萬里幾人來把酒仗劍登高臺關山
四望雲千疊車馬三年眉一開

龍潭山庵

偶緣尋藥物因得訪叢林斷徑畱殘雪芳枝集怪禽石堦青
蘚合竹隴白雲深憂病倏然失清幽愜素心

喜龍潭山二禪師見過

萬一樓集

卷三

十

衡軒苦雨扃門坐野衲衝泥曳屐來十里雲烟籠素笠一簾
香篆俯青苔摘蔬煮糲中清供檢偈談空起病骸半日浮生
閒且適老懷春到未全乖

掩卷山韻

五十髮半白心期總成虛默坐思往事撫膺成長吁積雨親
故斷欲往愁沾濡鬱懷何所寄舊讀牀頭書書中多古人窮
達意不殊虞卿浪著述魯連空馳驅平津老更遇功烈何區
區掩卷啓蓬戶青苔滿堦除

蕪風丈夫石

紫微山之陽有石以經婦名突立巖崖當大道而臨

長流品題者甚眾客曰有婦石詎無耶石耶予訝其
說遍檢邑誌并詢長老咸無所得意古詞多有望夫
石茲石良似之不曰望夫而曰新婦者從俗談爾一
日與秋元樓用學暨族祖子化從弟孟傳同遊楊神
廟遂登烏帶山巔問產紫石英處從其陽下涉百步
堦所謂百步堦者鑿山石爲級無慮百步樵人謂此
國初胡進士故居按胡諱澄洪武四年進士初授
河陰縣丞卽其故居在此隄恐無宅高山中理人又
言楊神舊廟址在翠微中此其行道庶幾得之日將
暮不及窮其處下山轉一隄見一石挺立當滴水高

萬一樓集

卷三

十一

巖大山之麓予指之曰此非耶石耶新婦石雖兀立
而頗窈窕茲石則挺然方正略無傾側良似丈夫計
其方向正與新婦對石第其地僻巖深人無識之者
嗟夫婦無美惡陰道也男子無美惡陽道也陽爲君
子陰爲小人小人好露而常據要地人多仰之君子
深藏雖曰闇然日章而拙於自售非遇盛世明君賢
相暨察微之君子孰能識之觀之茲石可見矣因各
其石曰丈夫而作詩一章庶使後之賞新婦石者復
知有茲石云

烏帶山陽丈夫石兀立亭亭高百尺彩霞作珮蘿作裳虹氣

爲神鐵爲色靜嶮欲與五嶽齊正直堪爲萬形式深林隔僻
樵牧稀月白風清市朝隔千年不見米生袍百里難通謝公
屐四山花木徒爭妍萬古猿狐憑浪跡卜鄰當日有胡公河
陰自去無消息石丈于今解認人胡公何處還尋宅埋沒千
秋詎足驚遭逢豈且良非適君不見窈窕臨溪媒銜身翻因
得地名稱籍又不見山頭怪魄圓如拳紫英含水清光碧顧
此稜層異鬱林豈無聲價向垂棘慶雲入苑千夫勞灑瀆當
江萬舟惕寧如澗谷絕猜疑雅似冠裳無媚側清宵時或起
龍光平世分明見鰲極海東不許秦王驅鍊補終宜女媧得
答舜傳兄謝餽米筍之作

萬一樓集

卷三

三

半筐分去竹廚清博得新詩字字精燕雀飛鳴花木爛魚龍
變動鬼神驚百年祖德慚微祿四海人情重後生稼圃尚堪
容我耦對牀風雨足論評
其附舜傳兄謝白米乾筍作
年豐猶抱饑腸嘉穀嘉蔬
粉辱並將粉籩早除風節在粃糠淨盡雪花香從知句自炊
烟得難道恩從放筍忘老穉圃農還可作轉頭生計未全
荒去無聲息

愁腸得酒換詩腸短句長歌次第將事業百年生計拙江湖
千里姓名香花隨看處纖濃好棋到欣然勝負忘春草池塘

常在夢小亭芳豔肯令荒

曼韻答舜傳兄

雅愛平居氣味清容顏常似飯青精奇因散習原非癖謗與
名俱詎足驚眼底乾坤隨處闢筆端風雨霎時生窮堅老壯
由閒事牧豕乘牛未許評

舜傳兄飲山亭有作次答

袁安積雪只僵眠暑日荒亭詎易延午課探囊新藁冊朝食
換米舊袍綿萬鍾得喪雙浮浮千古賢愚一墓田俯仰乾坤
容傲睨青尊在手且陶然

蕭谷哭張江陵

萬一樓集

卷三

三

寵眷三朝任重身太平今古幾元臣沉沉仗馬周墀靜蔚蔚
虞維禹服新方進早除賢範遠祁奚內舉 聖恩頻憑雲一
灑臧孫淚藥石年來味始真

莫交蘇君只醫羅魯月葦亭臨長鏡子霜點囊滌藥圃隱危

穀耕足婚山亭有作次答

由閩事慈遷表老朱信宿

汗齋頭以茲期起薄吐齋關華融風雨變粗土墮翠香世

歡愛平每薄起相容隨常如贈青辭者因想賢翠森森寫興

曼韻答舜傳兄

萬一樓集卷十三

